


गो चाली



२०४७

गोचाली

अंक - ६

वर्ष - २०

२०४७ / १९९२

प्रधान सम्पादक

महेश चौधरी

सह-सम्पादक

सगुन लाल चौधरी

लिला "गम्भीर"

मूल्य रु. १०/-

सम्पादकीय

प्रकाशक :- थारू भाषा तथा साहित्य सुधार समिति
पश्चिमाञ्चल नेपाल

छैठौं संस्करण :-

थान - १५००

मुद्रक :- स्वर्गद्वारी प्रेस
दाङ धोराही
फोन नं. ६००८२

यी साल फाल्गुण ६ गते नेपालके प्रगतिशील फाँटह बहुत घाटा सह परल बा । ऊ घाटाहो सह शोषित उत्पीडित जनताके पक्षम लिखना, न्याय एवं स्वतन्त्रताके डगरम न्या-
ङ्गबेर कबभुफे नै डट्कर्ना, प्रतिक्रियावादी हुकनके सामने कबभु नै शीर झुकैना कबि श्री युद्ध प्रसाद मिश्रके निधन । फुरसे कनाहो कलसे अल्प संख्यक पूंजीपति वर्गके विरुद्ध बहुसंख्यक श्रमजीवी जनताके हितम लिखना पूंजीवादी - सामन्तव दी जन्जिरले बाँधल जनताके पुरान बिचारह बदलना साहित्य सृजना कर्ना कबिके यी निधन हो । हमार 'गोवाली' पत्रिका फे यह डगरम न्याङ्गल पत्रिका रहल बसे 'गोवाली' कबि श्री मिश्रके निधन प्रति हार्दिक श्रद्धाञ्जली अर्पण करथ ।

आज संसारसे साम्यवाद हेरैटी जाईटा और मार्क्सवाद लेलिनवाद असफल सिद्ध हुईती जाईता कना प्रचार खास कैक रेडियो नेपाल तथा अन्य सरकारी सञ्चार माध्यमसे सुन मिलथ । वनफे खासकैक समाजवाद व साम्यवादके जन्मजात शत्रु कुछ पश्चिमी पूंजीवादी तथा साम्राज्यवादी मुलुकके लाग त यी सुगा रटाई जो हुईल बा । समाजवादी राष्ट्र हुकनके कमजोरीसे अनुचित फाईदा उठैना सुरम पूंजीवादी तथा साम्राज्यवादी तत्वहुक आपन धोती छुटलक थाहा नै पाईथु-
इत । अत्यन्त अमानवीय व जरम पूंजीवादी शोषणसे तहस तहस हुईल आपन समाज व कुर साम्राज्यवादी शोषणके कारण बिकाशोन्मुख राष्ट्र हुकनम बढ़ती रहल गरीब व दुःखसास्ती रहल जनजीवनसे यी मानव अधिकार व प्रजानन्तके स्वधोषित ठकेवार हुकनह एक रस्तिफे वास्ता नै हो । वासनवम कनाहों कलसे आज संसारम मार्क्सवादी लेलिनवादी समाजवाद बि-
भिन्न कठिनाई व अनुभवसे सिखी आग बढ़ती बा कलसे एका

धिकार पूंजीवाद पतनके डगरम बा । याकर सहि निसाफत नेपाली जनता एक न एक दिन गर्ने जो बाट ।

बर्गीय समाजम साहित्य फेन बर्गीय रहथ । पिछडल जातिके भाषाफे पिछडल रहथ । थारु जातिके पिछडल रहल वसें थारु भाषाफे अभिन सम पिछडल अवस्थाम बा । यहा बहुतसे मनै कमैया, कमलहरी, किसान, कम तलब पैना कर्मचारी रहलवसें हमार समाज गरीब दुःखीन्से भरलबा । 'गोचाली' गरीब - दुःखीन्के पक्षम बोल्ना पत्रिकाहो कना सब जहन थाहा हुईलक हो । हुइनात आज मोरङ, चितवन, नवलपरासी, बाके, कैलाली, दाङ तथा केन्द्रसे दुई थोर कैक जम्मा ११पत्रिका थारु भाषाम आजसम निकर सेकल लेकिन थारु भाषा तथा साहित्यके बिकासम मल जल डरुईया पत्रिका 'गोचाली' पत्रिका जो हो कना विषयम सायद दुई मत हुई काकरिक २०२८ सालम 'गोचाली' अङ्क १ थारु भाषाम सभसे पहिल प्रकाशन हुईलक पत्रिका हो । यहवसें हन्न सबज यी पत्रिकाह क्रमश प्रकाशन कति रहबि कना विषयम बिस्वस्त बाटी । यह पत्रिका हो जौन सम्पूर्ण थारु जातिन्ह थारु भाषा तथा साहित्यके विकास कर्ना प्रेरणा देहल । आज यहिह हेर्के सबज आपन आपन क्षेत्रसे थारु भाषाम कित ब प्रकाशन कर्ना ओर लागल बाटी । निकट भविष्यम हमन थारु शब्दकोश व्याकरण तैयार कर परलबा तथा बहुत ठेऊर थारु साहित्य सृजना कैक शिक्षण संस्थामफे लेख - पढके लाग माग कर परल बा । तब मात्र हमार बहुत उद्देश्यमसे एकठोर उद्देश्य पूरा हुईलक हन्न महशुस कर्बि । यी छठौअङ्क प्रकाशन करकलाग सहयोग कर्लक सब गोचालीन धन्यवाद तथा नयाँ बर्षके उपलक्षम सब जहन शुभकामना ।

धन्यवाद

जय ! गोचाली परिवार ।

गोचाली परिवार के अपील

आदरणीय सहयोगी गोचाली हुंक्र !

३० वर्षके नम्मा पञ्चायती औंसीके अन्धरीय रात खतम होक प्रजातन्त्रके लौब बिहानके सुखात हुईल बा । नेपाली जनताके मुहम लगाईल ताला फेर दोख एकपयारा खुलगैल बा । निरंकुश पञ्चायती शासनसे देशके शोषित ओ उत्पीडित जातिके भाषा, साहित्य और जातीय उत्थान बारे अनुदार नीति हुइल वसें थारु जातिके भाषा, साहित्य और संस्कृति सम्बन्धि ज्या जत्रा उत्थान कर सेवना सम्भावना रह, ऊ फेन सम्भव नै हुइल । आब यी लौब बिहानम हमन झट्ट पट्ट उठपर्ना समय आइल बा । काकरिक रातभरके अन्धारम बसेरा लेहल चिरै चुरडफे चे-चे चु-चु के धुनसे जहोर तहोर बातावरणह गुञ्जायमान पर्ल बात सायद हित्फेन भरखर लल्लक प्रजातन्त्रके उपलक्षम खुसी मनाईत ।

हमार देशम हुईलक सामन्ती शोषणके ओरसे बहुतसे गरीब सुकुम्बासो हुंक्र पह उसे तराईप छारा कर्ना ओ मुगलान जाइपर्ना बाध्यता रहल सक आजसे १९-२० वर्ष पहिल थारु जाति प्रति दाङम हुइलक बर्बर सामन्ती शोषण, थियो-मिचो अन्याय अत्याचारमे छुटकारा पाईकलाग यहाक बहुतसे नेपाली हुंक्र गाउँका गाउँ उठ-उठ छारा कैक बुढानम गैलक घटना अभिनसम हमार बिचम ताजा बा । यह पिर मर्काह, यह दुःख

दर्दह व्यक्त करकलाग जन्मल 'गोचाली' पत्रिकाह हम्न २०२८
 सालम पश्चिमाञ्चल क्षेत्र (दाङ, बाँके, बर्दिया, कैलाली, कञ्च
 नपुर) से भाषाम एकथोर पत्रिकाके रूपम थारु छपाईल रलही।
 याकर अर्थ यी फे नै हो कि हम्न नेपाली, नेवारी, मैथिली
 अस्तहक हमार देशके और शोषित भाषा-भाषीके विरोध
 कर्थी, हिकनसे हमार एका कायम नै हो कैक। हमन हमार
 देशके सब भाषासे माया मोह बा औ हमार सम्बन्ध बा। हम्न
 आपन भावनाह व्यक्त कर्ना माध्यमके रूपम आपन मातृ भाषा
 थारु भाषाह रोजलककेल हुई। पिछडल जातिके भाषा फे
 पिछडल रहल वर्से हम्न आपन भाषाह उठाईकलाग "थारु
 भाषा तथा साहित्य सुधार समिति पश्चिमाञ्चल नेपाल" के
 नाउँसे समिति गठन करल रलही। नाँव अवस्थाम रहल
 यी समिति मार्फत पहिल थारु लोकगीत 'माँगर' तब 'गोचाली'
 पहिला अङ्कह प्रकाशन करल रलही। जस्त सुक विकट परि
 स्थितिसे जुझकफे या समिति मार्फत आजसम हम्न कैयौथो
 थारु लोकगीतके सङ्कलन ओ प्रकाशन कलि और गोचाली
 पाँचौं अङ्कसम्म हम्न याकर प्रकाशन कति ऐलि। बन्धनम
 रहन ऊ पञ्चायती दिनम, उकुस-मुकुसम बाँचल ऊ अवस्थाम
 फे हम्न कभु खुला रूपमत कभु भूमिगत रूपसे फे 'गोचाली'ह
 हम्न बचैती ऐलि काकरकि "गोचाली" हमार हितैषीहो कैक
 गोचाली हमार सहयोगी हो। कैक युगैयुगसे बन्धनम रहल
 कर्मैयाके शोषण, अत्याचारम परल किसान, मजदूर, महिला
 के, भ्रमजीवी शिक्षक, वकिल, डाक्टर और विद्यार्थीके बात
 बतवाईथ। यहीसे छुटकारा पना डगर देखाईथ। नेपाली रा-
 स्ट्रियताके सवाल विठाईथ। यह वर्से ऊ हमार पत्रिका थारु
 भाषाम प्रकाशन हुईलसेफे यी सम्पूर्ण शोषित-पीडित जनताके
 पत्रिका हो कना विषयम सायद हुई मत हुई। बितल दिनम
 हम्न थारु भाषाकेल नाही हमार देशके विभिन्न भाषा बोल्ना

सहयोगी गोचालीन्से प्राप्त हुइलक सहयोगसे यी पत्रिकाके जगह
 उठाए सेवलक बातह हम्न नै भुल सेकबी। कर्मैया, किसान,
 मजदूर, विद्यार्थी और बुद्धिजीवीके एक-एक पैसाके सहयोगसे
 बाँचल यी पत्रिका अभिनसम टुकुर टुकुर सास लेतिबा। अभि
 नसम प्राणकेल लेक बाँचल गोचालीह फेनदोख उठाइकलाग
 हम्न एकजुट हो रलि। प्रगतिशील साहित्यके सृजना कैक थारु
 जातीम चेतना जगैना उद्देश्यसे हम्न आग बढ़ल बाटी। जातीय
 भावनासे ग्रसीत नै होके बर्गीय हितह हम्न ध्यान देल बाटी।
 धनी ओ गरीबके बीचके फरकसे हम्न गरीब होके बाँचल बाटी
 शोषण, अन्याय, अत्याचारके विरोध कर्ना और यहीसे मुक्ती
 दिलैना समूहप्रति हम्न समान आस्था और विश्वास रखथी।
 जन्तन्ह जगैना, जन्तन्ह उठैना और जन्तन्म चेतना फलैना
 खालके खोजपूर्ण रचनाके हम्न सद्भर हृदयसे स्वागत कर्थि
 और सहयोगके आशा रखथी। हमन आपन बहुमूल्य सहयोग
 तथा सुझाव देक "गोचाली" आगामी अङ्कह प्रकाशन करकलाग
 आपन यथासक्य सहयोग कबिकना हम्न सब आपन हितैषीन्से
 अनुरोध कर्थि और यहा हुकनके अमूल्य सुझाव तथा सहयोग
 के लाग धन्यवाद देथि।

गोचाली परिवार

पश्चिमाञ्चल, नेपाल

२०४७/२/३०

विषय - सूचि

क्र. सं.	विषय	नाम	पेज
१-	शुभ कामना		१-१
२-	खैतीबा	हरि प्रसाद चौधरी	२-३
३-	शहिद मोहन बहादुर चौधरी के छोटकरी जीवन परिचय	वि. के चौधरी	४-६
४-	मैं नै सहम	सी. बी गोची	७-७
५-	नै हो एको सुख	नरेश गोचाली	८-८
६-	हमार देशम थारु भाषा बोलना मनैनके अवस्था	सहेश चौधरी	९-१६
७-	खेतवा जोतेरे किसानवा	साभार जनसाँकृतिक मञ्च मधेली, सुनसरी २०-२०	
८-	हम सब सामन्ती व्यव- स्थाके हतावेके पतें	“ “ “ २१-२१	
९-	रोटीक बत्कोही	अनु. श्रीमती शान्ति चौधरी	२२-२३
१०-	प्रतीज्ञा	टेक बहादुर चौधरी	२४-५८
११-	जागो रँ किसानवा	मंगल चौधरी	५९-५९
१२-	आब आ गैल	सहेश चौधरी	६०-६०

शुभ-कामना

गोचाली के उत्थानह साथदेना गोची हुकन

हमार शुभ-कामना !

अन्याय के विरुद्धम न्याय के आवाज घन्काइक लाग
जीवनहन संघर्षम लगादेना गोची हुकन

हमार शुभ-कामना !!

शोषक के पर्दा चिरक, समाज सुधार करक लाग
जनता के भलाई लेक आग बढना गोची हुकन

हमार शुभ-कामना !!!

पुरान कुरिती छोडक विज्ञान के डगरिम लागूक
जनतन्त्र युगके निर्माण कर्ना गोची हुकन

हमार शुभ-कामना !!!!



हरि प्रसाद चौधरी
मटीयारी, कैलासी

खैतीबा

जोड बितौड के मुर्गी पल्लो ।
टोकटा दुर्करक निहु परवो ॥
लडका-पडकन के मुह मरवो ।
एक दुई पैसा जोरक खाजवो ॥

अध्यक हक ते मोरिक् बा ।
नान् एकथो मोर पहुना बा ॥
डकल्या - डकल्या झडती बा ।
शोषक जिऊ मोर खैती बा ॥

कुट पिसके देवो - देवो ।
भन्सा खेलक भौडा मिस्वो ॥
गोवर पानीमे हाथ सडैवो ।
आधा रातके छुट्टी पैवो ॥

जन्नी देखवो डट्करल बा ।
चिथ्री लागल लुगरा बा
खैना बासी माँड बा ।
शोषक जिऊ मोर खैती बा ॥

सुत्वो फाटल गोन्द्री पर ।
पेट तरसो भोजन पर ॥
मन तरसो बाल वच्चन पर ।
शरीर तरसी जुडी बुखार पर ॥

इलाजके जरूरत बा ।
उपर से फटकार बा ॥
नाकरो ते हर्जावन बा ।
शोषक जिऊ मोर खैती बा ॥

हरवाही लागल कमैया पर ।
घर बिहीन मुकुम्बासी पर ॥
नेपालके वीर किसान पर ।
इश्वर के सच्चा सन्तान पर ॥

शिर पर ऋण के पहाड बा ।
भागु ते देश के माया बा ॥
ऐसिन ते यहाँ हाल बा ।
शोषक जिऊ मोर खैती बा ॥

कबतक सोचम झन्खती रहवो ।
मनै होके बिकात रहवो ॥
ई गाऊँ उ गाऊँ छारा करवो ।
ठेगान आपन खोजतो रहवो ॥

आब ते सकारे हुइल बा ।
आँख खोलके हेर्ना बा ॥
दिन सबके बदलना बा ।
नाही ते शोषक जिऊ मोर खैने बा ॥



“शहिद मोहन वहादुर चौधरी के छोटकरी क्रान्तीकारी जीवन परिचय”

गाउँले स्तरम, भरखरके जवान युवक, वर्षादिके समयम खेती कैना किसान, युवक मा. वि. जोगी गाउँके नि.मा.वि. पास कैक म.क.दे.व्या.मा.वि. मथुरा हरिद्वार, वर्दियाम एस० एल० सी० स्तरम अध्ययनरत अ० ने० रा० स्व० वि० यु० जि० स० वर्दियाके सक्रिय कार्यकर्ता शहिद मोहन वहादुर चौधरी हुइत। हुकाहार जन्म जि० वर्दिया गा. प. धधवार वा. नं. ८ फचकहवाम वि. सं. २०१८ सालम हुइलकहो। उहाँके संयुक्त परिवारम दाई-बाबा, बराबाबा, दादु, भौजी भैयन समेत ४०/४५ जनाके परिवार रहल ब्यालाफेन सबसे बढी मैया उहाँ पैलक रलह काकरकी थारू जातीके संयुक्त परिवारम सब जहन नै पढाक एक दुई जहन केल पढैना चलन आज फेन चल्ती बात।

शहिद मोहन वहादुर चौधरोके परिवार निम्न मध्यम बर्गीय किसानके रूपम मान सेक जैठा काकरकी उहाँके पुर्वनके करीब ११ विगाहा आपन दर्तावाला जग्गा व करीब १६ विगाहा मोहीयानी किसिमके जग्गा जोतत्। गाउँके सामन्तीन से लम्बा समय सम्म मुद्दा मामिलाके साथ-साथ वाली रोक-रोक कर्ना आदि किसिमके संघर्ष बहुत पाली चलक वसे व प्रशासन पैसाके भरम गरीब किसान जब फेन हरैलक वसे निरास, उत्पीडिय व आक्रोसित परिवार हो उहाँके।

सामन्ती अवशेष हुईलक गाउँ ठाउँके किसान हुँक शोषित पीडित हुइना स्वाभाविक हो। तमाम किसिमके शोषण थिचो-मिचोसे मुक्ती (छुटकारा) पाइकलाग शोषित पीडित जन्ता हुँक मौका खोज्ती रथ। हमार भलाईके करी? हम्महीन मदद करई-याके बात। कसिक कर्लसे शोषक सामन्तीनसे जीत सेकबी व आपन कमाही अपन खाई पैबी कना सब मेहनत कैक खैना जनता सोवती रहना स्वाभाविक हो। कुई डगर देखैना व संगठन कैना, सबजान मिलके फटाहन शोषकन से छुटकारा पैना उपाय करी कना सुन्तीकी जोस जाँगर लेके उठ पर्ना किसानके स्वभाव रहथिन। खास कैक युवक किसान हुकनम यो गुण बढी पाजैठा।

२०३६ सालके नेपालम हुइलक जन आन्दोलनके समय शहिद मोहन चौधरी भरखरके युवक रलह। जौन ठाउँम विद्यार्थी आन्दोलन चल, उ ठाउँम अग्रिम पढतीम भाग लिहत। जौन ठाउँम किसान आन्दोलन चल उहाँ फेन किसान बन्के जनतन्के साथम संघर्ष कर आघ बढत। मेहनत कैक खैना जनतनके पक्षम जहाँ, जब, जसिक फेन पुग जैना व सामन्तीन, शोषकनके विरोध कैना उहाँके क्रान्तीकारी स्वभाव रहीन। २०३६ साल ३१ गते किसानके साथम आन्दोलनम भाग लेहन ब्याला एक जान शोषक (उ समय वडा समितिके पञ्च सदस्य ज्याकर विरोधम आन्दोलित किसान रलह) रु. ५०/- के ५०००/- पाँच हजार बना-बनाके तमाम किसानन आपन पञ्जम फसैल रह) के हाथसे छुटलक बन्दुके गोलीसे शहिद बनलक हुइत हमार जोसिला मोहन चौधरी।

मनै जमठ कलसे एक दिन मुठ। संसारम आज सम्म जत्रा जर्मल सब जान मुके गेल। तर जे शोषकके विरुद्ध अन्याय अत्याचारके विरुद्ध लडके मुल हुक कम्भुफेन नै मुना कैक अमर होक गेल। हम्म फेन एक दिन मुअपरी तर कुछ असल काम

कैंक मुअ परठ कना शहिद मोहन जो से शिक्षा लिह पर्ना वा ।

शोषकनके पक्षम लागके तमाम जन्तनहन सतैना, अन्यायम परलम फेन सहती जैना त जित्तीह मुअल जसिन ही । उह वर्से शहिद मोहन जैसिन संघर्ष करती-करती ज्यानके बाजी लगाए सेकना ज्ञन हम्न सब जान सिख परल बात । हुइना त मुअ परथ कैंक पानीम कुद नै हुइल, रुखवनमसे फन्क नै हुइल । वास्तविक बात काहो कलसे जनतनके पक्ष लेक शोषण, अन्याय अत्याचार, जाली फटाहाके विरुद्ध संघर्ष करती-करती मुअ परठा कलसे हम्न कुछ परवाह नै कैंक जीवन वलीदान कर्नाम पाछ नै हट परथ ।

अस्तु

परिचय कर्ना वि. के. "गोबाली"



सो. वी. गोची
(बदिया)

“मै नै सहम”

मै त नै सहम शोषकके अत्याचार
हम्न लडक लाग हुइ गोची तयार
शोषकके घरम जाक अनाज लिहवेर
दुई चार लम्बर नापके भिर्य दांटी मार
मै त नै सहमा शोषकके अत्याचार
हम्न लडक लाग हुई ।

जुवा खेलक घरबार वस्त हँ बहैठ
दस विस रुपियाँ मांगवेर जोरसे रिसैथ
मै त नै सहम शोषकके अत्याचार
हम्न लडक लाग हुई ॥

पठ देव दाई बाबा जन्ना ऋण लागि
नियम कानून बुझ सेकवी गरीबनके लागि
मै त नै सहम शोषकके अत्याचार
हम्न लडक लाग हुइ ॥

धनिके छाई छाः खैठ पिठ मस्ती उरैठ
गरीबनके गति नैहो जीउह दुःख देठ
मै त नै सहम शोषकके अत्याचार
हम्न लडक लाग हुई ॥

कबु कन्जुवा कबु कप्वा संग आटो खैठु
और काम नै पैतु भरवा बोक मै जैठु
म त नै सहम शोषकके अत्याचार
हम्न लडक लाग हुई ॥

आटो-पिठो ओरा गैल वहाँ पैना हो जाउली
भित्तर जाक हेर वेर घोट्याइल रठा ताउली
मै त नै सहम शोषकके अत्याचार
हम्न लडक लाग हुई गोची तयार ॥ ॥ ॥ ॥



“नै हो एको सुख”

सामन्ती के काम कैक जीवन गैल
जीवन भर एको नै सुख हुईल
नै हो² एको सुख बचना² कैसिक हो ।
छोटीमसे जिम्दरुवक घरम
जीवन गैल जिम्दरुवक घरम
नै हो² एको सुख बचना² कैसिक हो ।
बाबा, बुबा सामन्तीके ऋणम
नै त पर्नु ऋणके सिन्म
नै हो² एको सुख बचना² कैसिक हो ।
सदभर सामन्तीके चाकरी
कैसिक बिताउँ यी स्वार नोकरी
नै हो² एको सुख बचना² कैसिक हो ।
छावा - छाई छोटीसे दाश बन्थ
जीवन कटना सदभर दिन गन्थ
नै हो² एको सुख बचना² कैसिक हो ।
लडका पडकन पढेना ठाउँ नै हो ।
नै हो² एको सुख बचना² कैसिक हो ।
छावा मुअल दवाई नै कैख
दवाई कर्ना एक पैसा नै होक
नै हो² एको सुख बचना² कैसिक हो ।
ऋण लेनु एक सयके बातम
तमसुक बनाईल थकके हजारम
नै हो² एको सुख बचना² कैसिक हो ।
आव नै बनी यी दुःखह सहख
आग बढी एक जुट होक
शोषक² मासक लाग हक लिहक लाग
क्रान्तीकारी आपन हक लिहक लाग
मनै होक मनै अस वांचक लाग
नै हो² एको सुख बचना² कैसिक हो ।

हमार देशम थारु भाषा बोल्ना मनैनके अवस्था

महेश चौधरो

बैवाड (दाड)

[यी लेख आजसे करीव ५ वर्ष पहिल रुपन्देही जिल्लाम सम्पन्न हुइलक थारु क.का.स. के केन्द्रिय महा अधिवेशनम बाट- गैल लेखहो । २०२८ सालके जनगणनाके आधारम तैयार करल यी लेखके शिर्षक बहुसंख्यक थारु जातिको भाषा अल्पसंख्यक रूपमा” रह । प्रस्तुत यी लेखम २०३८ सालके जनगणनाह समेत समावेश कै गैल बा]

सम्पादक

भाषा साँस्कृतिके एकथो पक्ष हो । भाषा आपन भावना व क्तकर्ता एकथो माध्यम हो । यक्रहे आधारसे हन्न आपन विचार भावनाह कैयौ किसिमसे व्यक्त कर सेक्थी-जस्त हाँउ-भाँउ देखाक, चित्र फोटो, अक्षरसे और आवाज निकारक । तफे यी सब साधनके उपयोग कर्नासे वात बतोईना बढो भरपर्ना और सजिलो रहथ । यह वसँ कैयौ भाषा समुदाय-हुकन्के आपन छुट्ट भाषा रथन । हिक्न्के एकक किसिमके बोल्ना चिन्ह रथन । कौनोफे भाषा भाषिके मनै आपन सस्कृतिह एक पिढीसे द्वासर पिढीम बदलवेर यक्रहे सहारा लेथ । भाषा आपन विचार व्यक्तकर्ता माध्यम केल नै हो, बेन यी त साहित्यके फेंन एकथो माध्यम हो । कौनो फेंन देश तथा जातिके साहित्य ऊ देश तथा जातिके सस्कृति व सभ्यताह

बचैल रहथ । वहवसे भाषाके महत्व मानवीय सभ्यताके विकासम सबसे बरा रहथ । बिश्वके बहुतेसे साहित्य व पुरान सभ्यता लोप हो गैल बा । आजके नृतत्व शास्त्री ओ भाषा शास्त्रीहुक आदिम जनजातिके भाषा तथा सभ्यताह असिक लोप हुइनासे बचैना अनेकौ प्रयास करल बात ।

नेपाल क्षेत्रफलम छोटी मुलुक रलसे फे याकर धरा-तलम हरूपता हुइल वसे यहाँ अनादि कालसे वातावरण अनुसार फरक-फरक प्रदेशम फरक-फरक अनुहार, रहन, सहन, भेष-भुषा व भाषा-भाषी रहल मनैनके बसोबास रहल पाजाइथ । थारु जाति अनादि कालसे जङ्गली जनावर बाघ हाथी, भाल, साँप और अनेक प्राकृतिक कष्ट सहक विकट ओलसे जुझती पूर्व मेचीसे पश्चिम महाकाली सम तराई ओ भित्री मदेशके घनघोर वन्वह फारक देशके यी भागह बहुत मलमलकेल नाही नेपालके अनाजके बखारीम बदलवा औरव थारु समुदायह मिलल बा । थारुहुकनके आपन छुट्ट भाषा, संस्कृति व आपन जातीय इतिहास हुईल वसे आजसम यी एक्थो थारु जातिके नाउँसे चिनजाइथ । थारु जाति नेपालम-केल बैठल नै हुइत बल्की थारु हुक नेपाल-भारत सीमाना क्षेत्रम पूर्व जलपाई गुडोसे पश्चिम कुमाउँ भाँवरसम बसोबास करल पाजाइथ ।

ठाउँके आधारम हम्न बहुतेसे भाषाह चिन्थी । संसारके विभिन्न जातिहुक विभिन्न भाषा बवालल हम्न पैथी । ओ संसारके भाषाके नाउँके जातिके नाउँसे सम्बन्ध रहल पाजाइथ । थारु भाषाके नाउँकेन अस्तह रहल हौ ।

सम्बत २००६/११ म लेहल जनगणना अनुसार हमार देशके कुल जनसंख्या ८२,५६,६२५ म से थारु भाषा बोल्ना

संख्या ३,५६,६०० रह । अस्तहक २०१८ म कुल जनसंख्या ६४,१२,६६६ म से थारु भाषा बोल्ना मनैनके संख्या ४,०६,६०७ रह । २०२८ म कुल जनसंख्या १,१५,५५,६८३ रहवेर ४,६५,८८१ जन थारु भाषाह आपन मातृ भाषाके रुपम प्रयोग करल पागैल बा । अस्तहक २०३८ सालम लेहल जनगणना अनुसार कुल जनसंख्या १,५०,२२,८३६ म से थारु भाषा बोल्ना संख्या ५,४५,६८५ बात । हमार देशम भाषाके दृष्टिकोणसे २०१८ सालके जनगणनाम थारु भाषाके चौथा स्थान रह कलसे २०२८ सालके जनगणना अनुसार पाँचौ स्थान व्हाए गैल । २०३८ सालके जनगणनाम फेन दोस्र याकर स्थान चौथाम रह गैल । २०१८ सालके दाजोम २०२८ व २०३८ सालके जनगणनाम थारु भाषा बोल्ना संख्या बढल देखापर्लसे फे अन्य भाषा भाषी हुक्के वृद्धिके दाजोम यी वृद्धि कमजो हौ । यी हुइना कारण थारु जातिम आपन भाषा प्रति आस्था घटती जाक आपन मातृ भाषाके रुपम मैथिली, भोजपुरी, अवधिके रुपम स्वीकार कर्ना व देश बाहर(भारत)से मैथिली, भोजपुरी, बोल्ना बहुतेसे मनै छारा कैक आईलवसे फे हुईस्यावथ । प्राचीन समयम थारु भाषाह आपन स्वर, ध्वनि व शब्द रहल वसे अलग अस्तित्वम रहल भाषाके कल्पना कर्लसेफे आज यहम विभिन्न भाषाके प्रभाव रहल पाजाइथ । जस्त पूर्वी नेपालके थारु भाषाम मैथिली मध्य नेपालके थारु भाषाम भोजपुरी और पश्चिमी नेपालके थारु भाषाम अवधि भाषाके प्रभाव रहल पागैल बा । कौनो कौनो जिल्लाके थारु भाषा जो ऊ क्षेत्रम बोल्ना विकसीत भाषाम प्रायः विलय हो गैल बा । यी बातह २०२८ सालम लेहल भाषा-भाषीके तालीकासे प्रष्ट हुईने बा ।

Source : Central Bureau of statistics H. M. G. of Nepal
1971 Census (२०२८)

यो तालिका का देखाईथ कलसे थारू भाषा भाषिन्के सबसे बढी रहल जिल्ला कैलाली हो। २०२८ सालके जनगणनाम दाङ्ग देउखुरी जिल्लाके प्रथम स्थान रह। लोक २०२३/२४ सालम बहुतसे मनै दाङ्गसे बुढान वर छारा करल वसे कैलालीम यी भाषा - भाषिन्के संख्या सबसे धेर देख परल हो। अन्य जिल्लाम क्रमशः बर्दिया, दाङ्ग, सुनसरी, मोरङ, कन्चनपुर, चितवन, नवलपरासी और कपिलवस्तु हो। दुःख लगना बात का बा कि तालिकाम थारू भाषा बोल्ना संख्या उदयपुर जिल्लाम ३; सप्तरीम ५; धनुषाम ६; और सिराहाम जम्मा १७ रहल देख जाईथ। अस्तहक थारूहुक रहल जिल्ला महोत्तरी, रौतहट बारा; पर्सा जिल्लाम फे तुलनागत रूपम यी संख्या कम जो हो। उदयपुर जिल्लाम थारू जातिके संख्या ३०,००० बा लेकिन थारू भाषा बोल्ना संख्या जनगणनाम जम्मा ३ केल देखाईल बा। सप्तरी जिल्लाम यादव व थारू बहुसंख्यक जाति बात। यी दुईठो जाति कुल जनसंख्याके ५०% बाट^२। लेकिन तालिकाम यी संख्या जम्मा ५ केल बा। अस्तह सिराहा जिल्लाके थारू भाषा फे लोप हुइल बा। बारा जिल्लाम थारूहुकके संख्या ४५,००० जत्ता हुइना अनुमान करलम जम्मा ७१८ केल देखाईल बा। जौन बहुत थोर संख्या हो^३, सर्लाही जिल्लाम थारू भाषा बोल्ना मनै-नके संख्या ४०६ रलसेफे यहाँ थारूहुक पहिलसे बसोबास कति आईल वसे स्थानीय अथवा मैथिलीके जो प्रयोग कर लागल बाट^४। तालिकाम मैथिली भाषा बोल्ना संख्या बढी रहल जिल्ला सप्तरी हो, और जिल्लाम क्रमश धनुषा, महोत्तरी,

१) मेची देखि महाकाली भाग - १

पेज ७७८

२) ऐ. ऐ. ऐ. -

ऐ. ७७८

३) ऐ. ऐ. ऐ.

ऐ. ११०२

जिल्ला	कुल जनसंख्या	मैथिली भाषा	भोजपुरी	अवधि भाषा	थारू भाषा
१ झापा	२४७६६८	२६८१	६५	६७	२५१८
२ मोरङ	३०१५५७	५३८६३	१२६०	२	३५६४०
३ सुनसरी	२२३४३४	५१०३५	३६३	१०६७०	५६७३१
४ उदयपुर	११२६२२	१५०३४	—	—	३
५ सप्तरी	३१२५६५	२८६५५१	१६	६६	५
६ सिराहा	३०२३०४	२७०४२८	३६	४	१७
७ धनुषा	३३०६०१	२८४७०७	३५०	६	६
८ महोत्तरी	३२४८३१	२८४४३७	५०	५२१	१६०
९ सर्लाही	१७५५४३	६१४२०	१८७	३१	४०६
१० रौतहट	३२००६३	८६२५	२८२३१४	५	२५८
११ बारा	२३३४०१	३२६	२१५६४०	१६	७१८
१२ पर्सा	२०२१२३	१०६७	१८५७०५	६३	११०
१३ चितवन	१८३६४४	२४	२४८	—	२४७१८
१४ नवलपरासी	१४६५४८	३६५	१३६६३	३५६२६	३६६२८
१५ रुपन्देही	२४३३४६	१४५	१०४६६१	७०४४०	७५१०
१६ कपिलवस्तु	२०५२१६	८२	१३	१६४५५५	२१६६४
१७ दा देउखुरी	१६७८२०	४०	४६	१२८१	७२४७५
१८ सुर्खेत	१०४६३३	२०	—	—	२१७२
१९ बाँके	१२५७०६	१२४	२७३	३७६६६	२२१२१
२० बर्दिया	१०१७६३	३०	८०	३३२२	७७४६६
२१ कैलाली	१२८८७७	६०	५१	११७	१०३६३६
२२ कन्चनपुर	६८८६३	३०	७	४७	२६४५२

सिराहा, सर्लाही, मोरङ्ग, सुनसरी, रौतहट, उदयपुर व झापाके बा । यह वसें यी क्षेत्रके थारु भाषाम मैथिली भाषाके प्रभाव रहल देखजाईथ । अस्तहक भोजपुरी भाषा बोल्ना संख्या रहल जिल्ला क्रमशः रौतहट, बारा, पर्सा, रुपन्देही व नवलपरासी जाे हो । यी क्षेत्रके थारु भाषाम भोजपुरीके प्रभाव रहल देखजाईथ । यी क्षेत्रम भोजपुरी भाषाके दाजोम मैथिली भाषाके प्रभाव कम जाे बा । अस्तहक अवधि भाषा बोल्ना मनैतके जिल्ला क्रमशः कपिलवस्तु, रुपन्देही, बाँके, नवलपरासी; वर्दिया; सुनसरी व दाङ्ग हो । दाङ्ग देउखुरी जिल्लाके थारु भाषाम भारतीय भाषाके प्रभाव फे बहुत रहल देखजाईथ । खासकैक यी प्रभाव देउखुरीके थारु भाषाम परल बात ।..... दाङ्गके थारु भाषाम प्राकृत भाषाके शब्द फे प्रशस्त पाजाईथ । जस्त बहु - अरीया = बहोरीया, अग्गी = आगी । आदि । नेपाली भाषामसे लोप हुईत भिरल^५ कुछ पुरान^२ शब्द यी भाषाम अभिन सुरक्षित बा ।

दाङ्ग देउखुरीसे थारुहुक छारा करल प्रमाण कपिलवस्तु व रुपन्देहीम फे पाजाईथ । अस्तहक बाँके, वर्दिया, कैत्राली, कन्वन्पुर व सुर्खेतम फे पाजाईथ । यहवसें हमन शंका लागथ, कहोरो थारुहुकके मूल घर दाङ्ग त नै हो ? काकर कि दाङ्गम नव पाषाण युगके (पत्थर युग) कुछ पुरातात्विक महत्वके वस्तु पाइल वसें यी भेगम पाषाण युगसे बसोबास हुईल देखजाईथ^६ लेकिन दाङ्गके थारु भाषा अन्य भाषाके प्रभावसे बन्वित बाट कह खोजलक फे नै हो । दाङ्ग राज्यके सबसे उर्वर व समथर जग्गा तुल्सीपुर अवध नवाब हुकके अधिनम रह^७ । यह

४) मेची देखि महाकाली, भाग - २
५) ए. भाग - ४

पेज ११०२
पेज २५१

वसें यहाँके भाषाम अवधि भाषाके प्रभाव कुछ मात्रामा देखजाईथ/
२०३८ सालम लेहल जनगणना अनुसार तराई व भित्री मधेशके जिल्लाम थारु भाषा मातृ भाषाके रूपम बोल्ना संख्या निम्न बा /

२०३८ सालके जनगणना तालिका

जिल्ला	कुल जनसंख्या	मैथिली	भोजपुरी	अवधि	थारु
१ झापा	४७६७४३	१११८३	६७६	३६	१४६१
२ मोरङ्ग	५३४६६२	१०२६०६	३१२०	५७	३३७७२
३ सुनसरी	३४४५६४	१०२१७६	३०६८	१६०	४४७०४
४ उदयपुर	१५६८०५	३६८६	३५	२१	११३४१
५ सप्तरी	३७६०५५	२७५४०६	२२०	६२	३५५११
६ सिराहा	३७५३५८	२६६८०६	२२७	१३	३५४१
७ धनुषा	४३२५६६	३७२५१५	२८४८	८	३३
८ महोत्तरी	३६१०५४	२६८६५४	४६६१	१७	११४४
९ सर्लाही	३६८७६६	१४३७०८	१३५६२६	८३	७६४१
१० रौतहट	३३२५२६	१४८७२	२१३०८५	२५	६३३७
११ बारा	३१८६५५	११३५	२५५७४७	१४	१६३५६

६) Banergee, N. R. & Sharma T. L. - Map Tools from Nepal & Sikkim, Ancient Nepal. No. IX PP 53 - 58

७) Hamilton, F. B. - An Account of the Kingdom of Nepal, Edinburgh 1891 P. 278

जिल्ला	कुल जनसंख्या	मैथिली	भोजपुरी	अवधी	थारु
१३ पर्सा	२८४३३८	६१६५	१६५०७२	३७	२४६
१३ चितवन	२५६५७१	६१५	६५०	३६	३११७६
१४ नवलपरासी	३०८८२८	११२६	६७६२२	६०	१५७१०
१५ रुपन्देही	३७६०६६	१६६७	२४७५८८	६	४८२
१६ कपिलवस्तु	२७००४५	२२२१	६४६	१७१०१२	१३४३१
१७ दा.देउखुरी	२६६३६३	४६६	६३	३२६	८४०६१
१८ बाँके	२०५३२३	८६५६	१६०	५६६०३	१७५१६
१९ बर्दिया	१६६०४४	१३६४	६५	१०६६	७३८७६
२० सुर्खेत	१६६१६६	४२८	३१	४	१६१०
२१ कैलाली	२५७६०४	८६६	२२	४५	१२०५३४
२२ कञ्चनपुर	१६८६७१	१२७६	३३	४६	२२३६६

Source :- Population Cansus 1981

Social charasteristic tables

Vol I Part III Nepal

२०३८ सालके जनगणनाके आधारम फे थारु भाषा सबसे बढी बोल्ना संख्या हुइलक जिल्ला कैलाली जो बा, दोस्रा स्थान दाङके, तेस्रा बर्दिया, चौथा सुनसरी, पाँचौ सप्तरी व छठवा चितवनके बा । यी तालिकाम बहुत गजवके बात त का बा कलसे २०२८ सालम मैथिली भाषा सबसे बढी बोल्ना संख्या हुइल जिल्ला सप्तरी रह कलसे २०३८ सालम धनुषा हुवाए आइल । २०२८ सालम भोजपुरी भाषा सबसे बढी बोल्ना

जिल्ला रौतहट रह कलसे २०३८ म बारा व्हाए आइल । अस्तहक २०२८ सालके जनगणनाम उदयपुर जिल्लाम थारु भाषा बोल्ना संख्या जम्मा ३ रह कलसे यी संख्या २०३८ सालके जनगणनाम ११,३४१ व्हाए आइल बा । अस्तहक २०२८ म सप्तरीम थारु भाषा बोल्ना संख्या ५ रहलम २०३८ म यी संख्या अत्यधिक मात्राम बृद्धि होक ३५,५११ हुइल बा । यी बृद्धि हुइनाके खास कारण एक त सर्वे प्रथम २०२८ सालम दाङसे 'गोचाली' पत्रिका के प्रकाशन पाछ विभिन्न जिल्लासे थारु भाषाम पत्र-पत्रिका, किताव प्रकाशन हुइल वसे थारु भाषा प्रति प्रेम बढती गैलक हो । और कारण जनगणना लेहेवेर त्रुटो फेन हुइस्याकथ ।

अस्तहक नयाँ जनगणनाम थारु भाषा बोल्ना संख्याम बृद्धि हुइल जिल्ला उदयपुर, बारा, रौतहट व सिराहा हौ । लेकिन दु खके बात नवलपरासी व कपिलवस्तु जिल्लाम २०२८ के तुलनाम ३०३८ म थारु मातृ भाषाके रुपम बोल्ना संख्या कम बा । यहाँके थारु भाषा - भोजपुरी भाषाम विलय हुइना स्थितिम बा ।

यी भाषाम फेरक ऐना कारणम सबसे बढो असर भौगोलिक बनावट ले हो । पहिले^२ यातायात व संचारके अभावके कारणसे यी भाषाम विभिन्न भाषाके आगमन हुइल बा । कौनो भाषीक समाजके सदस्य हुकनके आपसम सम्पर्क कम हुईति गैलसे ऊ भाषाके क्षेत्रीयताम फेरक ऐति जैना स्वाभाविक हो । यी भाषा मैथिली, भोजपुरी, व अवधी भाषाके ध्वनि, ध्वनि समूह, वर्ण संयोग, अक्षर, शब्द रूप, वाक्य विन्यास आदि विभिन्न आगन्तुक तत्व आइल पाजाइथ । हिन विभिन्न भाषाके आगन्तुक तत्वह स्तरीयताके निर्वाह व आवश्याकता पूतिके लाग यी

भाषाम ल्यानल हो । हुइना त संसारम कौनो फेन भाष ऐसिन नै हो जेहिम कौनो न कौनो भाषाके आगन्तुक शब्द नै रहल हुई । भाषिक तत्व हुकनके आगमन हुईतिम कौनो फेन भाषा बिटुलो नै हुईत लेकिन ऐसिनके प्रवेश व दुई भाषाके सम्पर्कसे एकथोर छुट्ट भाषिक स्थितिके सृष्टि करथ । दुई - भाषिके सम्पर्क हुईलसे कौनो भाषा बोलना जाति और भाषासे प्रभावित होक आपन भाषाके रुपहजो बिगारथ । सबकु भाषा कालक्रमम विकसित हुइति ऐसक हो व (कु तम भाषा बाहेक) कौनो फे भाषा मनेनके बनाइल नै हो । सबकु भाषा वर्षों वर्षसे परिवर्तित हुइरी आईल हो । हमन हमर जीवन काजम भाषाम हुइल ऐसिन परिवर्तन बारे बत्रा थ'हा नै हुइत । नेपाली भाषा सक थारु भाषाम फे विभिन्न आगन्तुक तत्व आईल बा और थारु भाषा फेन ठाऊ अनुसार फेरक फेरक बा । यह वर्म पूर्वी नेपालके थारु भाषाह हेरुं और भाषा भाषी हुक थारु भाषा अलग भाषा नै हो बना धारणा रहथ । थारु भाषा कलक मैथिली, भोजपुरी अवधी भाषा हो कथ । हुक थारु भाषाके अस्तित्वह स्वीकार कर्ना पक्षम नै हुइत । सदभावना पार्टीके नेत श्री गजेन्द्र नारायण सिंह जन तराईके मातृभाषा हिन्दी होकेक थारु भाषाके अस्तित्वह स्याट उवाजल बाट ।

थारु भाषाम और भाषाके प्रभाव परलसेके बड़ी मात्राम मौलिकता के पाजाईथ । अत्र हो - कौनो क्षेत्रम कम परन बा कलसे कौलोम धेर । देश ब्यापी रुपम औलो उन्मुलन कार्य-क्रम लागु हुइनसे पहिल औलोके घर मानजैना चितवन व दाङ व सुनसरीके थारु भाषाम तुलनागत रुपम उत्तर व दखिनके प्रभाव कम देखजाईथ । ठ उँ अनुसार थारु भाषाम ज्या जसिन प्रभाव रलसे फे यी छुट्ट थारु भाषा रह कना बिषयम सायद

दुई मत हुई लेकिन विवादके विषय का बा कससे हम्र कौन क्षेत्रके व कसिन थारु भाषाह मौलिक थारु भाषा मन्न ? जुम्ला जिल्लाके सिञ्जा कना ठाउँके भाषा विकास होक आज राष्ट्र भाषा नेपाली बन स्याकथ कलसे थारु भाषाके विकास फेन का अस्तह नै हुई स्यकि ? यी भाषाह लोप हुइनासे बचा-इकलाग थारु जातिम आपन भाषा प्रति घाख जगाए, थारु जातिम विद्यमान थारु लोक साहित्यह प्रकाशन कर्ना व यह भाषाम किताब, पत्र-पत्रिकाके प्रकाशन कर्ना वर हमार ध्यान जैना आवश्यक बा । यी भाषाके विकासम श्री ५ के सरकारके ध्यान मैलसे यी भाषा फे विकास कर्ना जन वही मौका पैने रह यदि हमार देशके सब थारु भाईबन्धुहुक थारु भाषाह आपन मातृ भाषाके रुपम स्वीकार कर्ना हो कलसे मैथिली, भोजपुरी व अवधी भाषा - भाषीन्के संख्याम कटौती होक भाषागत रुपम थारु भाषाके दोआ अथवा तेशा स्थान रहना सम्भावना बा यह वर्से हमार देशम बहुसंख्यक थारु जाति रलसेके यी भाषा अल्प संख्यक रुपम हुईपर्ना कारण पिछडल जातिके आपन भाषाह चिन्ह नै सेक आपन भाषाके अस्तित्व जो विसराक और भाषा प्रति मोह रहना स्थित हो ।

हमार भाषा फेन शोषित अवस्थाम बा । हम्र बहु-संख्याक थारु जाति शोषित अवस्थाम बा त वहवसे हमार भाषा फेन शोषित अवस्थाम बा । यहिसे छुटकारा पाईकलाग जातिय रत्थान हुईना आवश्यक बा । वहवसे लेनिन कथ सामन्ती जुवाह सम्पूर्ण जातिय दमनह व कौनो विशेष जाति या भाषासे उपभोग कति रहल बिशेषाधिकारह खतम कर्ना एकथोर जनतात्तिक शक्तिके हैसियतसे सर्वहारा वर्गके पाम कर्तव्य हो ।

-समाप्त-

खेतवा जोते रे किसनवा

जनसाँस्कृतिक मञ्च सुनसरी मधेली से प्राप्त हुइलक तीन थोर गीत यहा क एक थारु किसान गोची के आपन मौलिक रचना हो । वहाँ बहुत नम्मा समय सम भूमीगत जीवन बिताई बेर उ समय के उकुस - मुकुस बातावरण, अन्याय अत्याचार मुक्तिक बहुत से गीत रचना वहाँ करल रहलह । हाल वहाँ क नाम देह नै स्याकल म हम्न क्षमा प्रार्थी बाटी] सम्पादक

सिर पर पगरिया बाँधे लै, काँध पर कोदरिया लेहलै ।
आगे आगे बैल चले भिजे रे किसनवा ॥१॥

(खेतवा जोते रे किसनवा)^३

हरियर हरियर खेत बहिनिया, देखे मन जुगाएल बनवा ।

चम चम चमके किसनवा, आँख लगावै सेठवा ॥२॥

खेतवा जोते रे किस वा ।

तोर सबके पसिनवा भैया, कब मिले आपन सुखवा ।

सालभरके मेहनत भैया एक दिन ले जावै सेठवा ॥३॥

खेतवा जोते रे किसनवा ।

कब तक सहवै हमसब, दुःख के इसब दिनवा ॥

ऐबै जब ऊ दिन बहिनिया, हितै हम सब आपन रजवा ॥४॥

खेतवा जोते रे किसनवा ।

पैबै संघर्ष से हम सब, शोषण से मुक्ति पैबै ॥५॥

अन वे हम सब उ दिनवा, हेतै आपन कलेनवा ॥६॥

खेतवा जोते रे किसनवा ।

सामार

जनसाँस्कृतिक मञ्च

मधेली सुनसरी

हम सब सामन्ती व्यवस्थाके हतावेके पतँ हो भैया हतावेके पतँ ॥

हम सब सामन्ती व्यवस्था के हतावे के पतँ, हतावे के पतँ ।
हो भैया हतावे के पतँ^२

सब कोइ मिलके जोस बड़ाउ सहास करो लडाई^२

देव दानव के चुन चुन कर, जल्दी करो सफाई, हो भैया जल्दी
करो सफाई ॥

माने कस्युनिष्ट के कहनवा, हतावे के पतँ
हो भैया हतावे के पतँ ॥

हम सब सामन्ती व्यवस्था के हतावे के पतँ ।

बघुवा बनके जङ्गल में चढे, रोजहु आवसी खाए ।

गरज उठे बादलके झोकन झुठेके मदराए हो भैया झुठे के मदराए
चाह ओर के दुश्मनुवा हतावे के पतँ, हो भैया हतावे के पतँ ॥

हम सब सामन्ती व्यवस्था के हतावे के पतँ ।

हिम्मत कँके बघुवा माह जङ्गल हेतै सफाई ॥

उलटा - सपटा, सिधा - सादा सबके हेतै भलाइ

हो भैया सब के हेतै भलाई ॥

मानु कस्युनिष्ट के कहनवा हतावे के पतँ हो भैया हतावे के पतँ

हम सब सामन्ती व्यवस्था के हतावे के पतँ ।

रोटीक बत्कोही

‘काल मैं त्वार लाग जहाँसे हुइलसे फे रोटी माइक ल्यान देहम । । ल्या, ल्या आब पानी पि, तब सुत् । निदँलसे भुख फे निदाइथ, छावा !’

बच्चा प्याटभर पानी पिक कुक्कुर सक नडट भुईयम धनमनाक सुतल । बच्चाके दाईक आँख सुस्त² आँशसे भर गैलस् तब भुखाईल आपन छावसे ऊ फे भुखन सुत गइल । दुनु भुखाईल दाई - छावाके आँगले भिजल आँख कुछ घचिक लाग सून्य अक्काशम घुम्ती रहलन् कुछ खवाजसक । तब दाई आपन छावक आँखम एक पयारा पुलुक्क ह्यारल । ऊ बच्चा के आँखमसे भुखके खान्जा बाहर निकरक आए खवाजत् देखपरथ ।

‘दा ! निद नै आइल, एक्थो मीठ बत्कोही सुनावो त !’ बच्चा रुन्च्या स्वरम कहल तब फेर दोत्र अक्काशम हँस्ती रहल जोन्हीयाह एकटक लगाक हेती रहत आपन छावह देखक दाई पुछलस — —

‘जोन्हीया मामक बत्कोही सुन्ब्या ?’

‘अह !’

‘रज्वा - रानीके जे ?’

‘अह !’

‘सुग्घर - अप्सरा हुकहनक् बत्कोही सुन्ब्यात ?’

‘अह !’

‘जाइके दियक बत्कोही जे ?’

‘ऊ फे नै सुनम्, दा ! ?’

‘वसीन हो कलसे क्याकर बत्कोही सुन्ब्या त, तै ? दाई दिक्दार हुइलस ।

‘रोटीक् बत्कोही सुनावोन, दा !’

‘नै हुई, छावा नै हुई !’ ऊ हदबदाक एकाएक उठल तब आपन मँगर भुखाइल छावह फे जुस्वक उठाक छातिम लगाक जोर - जोरसे रुइलागल ।

ले० अनवर शमीम

अनु : श्री मती शान्ति चौधरी

बैबाड, दाइ



साहित्यकार आपन देश, आपन वर्गके आन्तरिक अनुभव, वाकर कान, आँख और हृदय — आपन युगके आवाज हो ।

माक्सिम गोर्की

प्रतीज्ञा

प्रजातन्त्र जहोंर तहोंर प्रजातन्त्र ! तर प्रजातन्त्र कहलक काहो कौन चीजके नाम हो बिचरा सोझा गाउँके जनतनके लाग का थाह । जहोंर तहोंर नारा, जुलुस, भाषण कहोंरे प्रजातान्त्रिक समाजवादके नारा, कहोंरे वैज्ञानिक समाजवादके । बिचरा ग्रामीण जनता तमासे होकर तमासा हेरथ ।

जहोंर तहोंर अशान्ति, अराजकता, असुरक्षा महङ्गी, घुसखोरी, तानावाद, कृपावाद, लिवरी (चुकली) झन-झन चरम सिमामें पुगती बा । एक ओर मुद्दीभरके मनै कसिके सम्पत्तिके फँलाव व सुरक्षा करना हो कँके बहुय सक्रिय देखापर्थ कलसे दोसर ओर बहुसंख्यक जनता गास, बास, कपास, स्वस्थ सुरक्षा और शिक्षाके लाग आकुल ब्याकुल बाट । जनता अलमल बाट, का यह हो प्रजातन्त्र ?

नेपालके तराईके एक बहुय पिछडल गाउँ जहाँ एक छोटी परिवार रह । जौन परिवारमें दुई जना सदस्य रहल दिदी और भैया । दिदी सौनी और भैया असार । हुकनके दाई हुक बहुत छोट रहलक समयमें हुक न टुहुरा बनाकर यह समाजके घृणित क्रियाकलाप देखक डर यह असार ससारसे कबु नै फर्कना कहीके चलगैल । हुकनके बाबा बजारु निरक्षर हुइल सेफें समाजके लुटाहा, चुसाहा सामन्तनके बिरोध करलक ओरसे समाजके सामन्तहुक झुट्टा मुद्दामें फसाकर जेलमें दारदे

रखलह । जेलके यातना, अमानवीय क्रियाकलाप कुपोषण यो सबके कारण वकर स्वास्थ्य बहुत बिगड गैलस । बल्ल बल्ल जेलमुक्त हुइल तर वहीहन तमास किसिमके रोगके कीरा हुक वकर शरीरमें आक्रमण करलगल ।

बिचरा उह परिवार अब काकर सेकना अवस्थामें रहगैल । गुरुवन पाती बैठैना, बिराहेरैना शिवाय ! बिचरा बजारु मृत्यु शैयामें परल रह । ६ वर्षके नाबालक असार आपन बाबक पँजर बैठकर बहुत हृदयविदारक शब्दमें कह "बाबा ! कब उठबो, जातदिन आगँल, भुखलापता, दिदी गुरुवा बलाए गैरहल । भात फे नै रिझैल हो ।" आपन अवस्था समझके और आपन छावक हृदयविदारक शब्द सुनकर बिचरा बजारुके शब्दके सट्टा आँखीसे आँस खस लगलस । बोल उवाज शब्द घाँटीमें अँटक जैथस । बल्ल बल्ल बोलथ अब उठप स्वार छावा स्वार राजा ! अब तोर दिदी आइत भात रिझाईत खँबो ।

सौनी गुरुवा मण्डुक घरमें पुगथ । मण्डु बरका (बडका) खोरीयामें जाँड पिथतह । सौनी बहुत दुःखित शब्दमें कहथ "बुवा स्वार बाबा बिमार होकर सुतल बाट । पाती बैठदिह चोल देव ।" मण्डु बहुत कठोर शब्दमें कहथ- "मै नै जैम त्वार घर पाती बैठ, त्वार बाबा मुई त मु जाई !" त्वार बाबा फटाहा बा । जिमदारके, गुरुवनके विरोध करथ । जिमदारके गुरुवनके विरोध करलक ओरसे पाप लागके झेल जाई परलस झेलसे छुत्ती पैतीकी बिमार होगैल । बेसिन पापीकलागके पाती बैठ जाई । तुहन पापीनके घरमें ग्वारा रखना फे डर लागथ नत त्वार घरमें जाँड, दाहू होई । नै पिक मै काम नै कर सेकटु । का तोर घरमें भुखमुअ जैनाहो ?

मण्डुक बात सौनिक आत्ममें तीर बराबर लगथिस मुर्छा परजाइथ । एक घरी पाछ होसम आक मण्डुक पाऊ पकर क रईतागथ । रईत² वांकर आंसले मण्डुक पाऊ भिजजैथिस । मण्डुक पथर जैसिन कठोर आत्मा सौनिक आंससे भिजक कुछलरम करादेथस । मण्डु सौनिह उठाक कहथ “चोल नतीन्या ! त्वार बाबा मैं मजा करादरम, जिन रो ।

मण्डुक बात सुनक सौनिक आत्माम आशाके सञ्चार जगमगा जैथस । उ जुरमुराक उठक मण्डुक हात पकरक आपन घर ओर रबाना हुइथ । ओकर मनम ऐसिन लगाथिस कि मोर बाबा अब जरुर ठीक हो जैहीं । काल साँझी भुखाईन होइतसेफे मानो अही भुख, प्यास, निद थकाई कुछ नै लागल हुईस । मण्डुह लेक सौनी आपन घर पुगथ । मण्डु व सौनी बजारकको ठाम प्रवेश करथ । वह कोठाके दृश्य ऐसिन अद्-भूत किसिमके दयनीय देखा परथ कि यह संसारम बजारक परिवारसे दरीद्र परिवार कहों नै हुई, लेकिन बजारक जैसिन दरिद्र, दुखी परिवार अरौँ संध्यामें बाट । मण्डुक जैसिन मनै जोकी दुनियाँके सज्ञा नभुखा जनताके पीसना रगत मोटाइल मनै यी दुनियाम बहुत कम बात ।

बजारु मृत्युशैयाम परलरह । ओकर पँजर असारु चुपचाप बँठरह । वहा कोठाके दृश्य ऐसिन हृदयविदारक रह कि जैसिन फे पाषण हृदयोनके आँखसे आँस खसक रह नै सेकथ । बजारु एक फाटल गोन्द्रीम सुतल रहथ । विचरा असारु दुःखी नजरसे गुरुवा मण्डुहन हेरथ कि मण्डु ओकर बाबाह जरुर मजाकरा दि । पाषण हृदयी मण्डुक आत्माह फे वह दृश्य गलार्थिस । मण्डु सौनिह आदेश बिहथ “जा नतीन्या झटुपाती सुँगा” मण्डुके आदेशानुसार सौनी पाती

सुँगाइथ । मण्डु पाती बैठके स्थकथ । सौनी व असारु मण्डुक एक एकथो ग्वारा पकरक पुछ लागथ का देखलो बुबा ? का हमर बाबा चुम्मर हुई ? मण्डु जवाफ बिहथ - का नै हुई, होजाई, जिन डराओ । बोक्सीन, भूत, मशान लागलअस लगथा । मण्डुक जवाफ सुनके सौनी बहुत उत्सुकताके साथ पुछ लागथ - “का का करपरीत बुबा ? का का खोजक परी ?” मण्डु कहथ - “बोक्सीने सन्ताईकलाग सातथो चिङ्गनी, एक जोर चुरी (चुडीया), कजरा (गाजल) और सिन्दुर और भूत मशानहे सन्ताईक लाग एकथो छेगरिक डागर एतथो सुरिक डागर एक जोर परेवा, एकथो पर्ल (पाडो) अतरा चीज खोजही परी । यह पूजा बरका पूजा हुइलक ओरसे चैत पञ्चमीमे पूजपरथ ।

मोहनके प्रवेश - वह कोठाके दृश्य मोहनके आँ से आँस नै आक नै छोरल । लेकिन मोहन सहनशोल, आत्म समयमी युवक होईलक ओरसे आत्मसयमके साथ उ गुरुवा मण्डु ह हेरक पुछथ - “विरामीके हाल का बा ?” मण्डु आगे कहलक सब बात बत्वाइथ । मण्डुक बात सुनके मोहन सौनीसे कहथ - “हेर बाबु ! यी सब अन्धविश्वास हो । अन्धविश्वाम शब्दके अर्थ काहो, सौनी अकमक इथ और पुछथ अन्धविश्वास कलक काहो दादु ? मोहन अन्धविश्वास शब्दके अर्थ कहथ - “अन्धविश्वास कहलक विना प्रमाणके बातमें विश्वास कर्ना हो ।” गुरुवा मण्डुक बातके सब अन्धविश्वास हो । वह ओरसे मोर विचारत बोक्सीन्या, भूत प्रेत, मशान मनाक विरामी ठीक नै होई । अस्पतालम लैजाक डाक्टरसे जांचक औषधि उपचार करपरल । औषधि कराईकलाक साथिनसे मैं आर्थिक सहयोग सङ्कलन करम ।

मोहनके बात सुनके गुरुवा मण्डु वरा जोरसे रिसाईथ और कहथ - "मोहन ! तै वरा जन्ना हुईल बात्या, फटाहा, बैमान, गधा, बदमाश, गोरू आदि अश्लील शब्द प्रयोग कैक मोहनह गरियाइथ, और धम्की देहथ- 'हेर सौनी नतोन्या बेरम्हाँ कसहाँ जसहाँ होजाईत मै नै जनम । खँजैना बात लैजाओ अस्पताल, डगडारसे कराओ औषधि । सौनी बहुत डराइथ । मण्डुक ग्वारा पकरक रुईलागथ और कहथ "नाही बुबा ! जिन रिसाओ ! मण्डु मन² हाँसथ और कहथ - वैसिन हो कलसे मोहनहन तुहनके घर जिन आईदेओ । मोहन तुहन के घरम आईत तुहनके बाबा मुजाई । और मै नै जनम । सौनी मोहनके ओर हेरती कहथ- "दादु तै हमार घर जिन आईस । तै ऐव्यात हम र बाबा मुजैही । हमारका दशा हुई ?

सौनीक बात सुनके मोहन बहुत निरास, बहुत दुःखीत हुईथ । उ सौनीहन समाजम विद्यमन अन्धविश्वास सामाजिक कुरीति बुझाई सेकलक ओरसे आपन कमजोरीहन धिक्कारथ और मन² गुनगुनाईथ- "हमार समाज आजतक बहुत पाछ परलवा भरखर पाषाण युगसे उठकलाग जुरमराईता कलसे फरक नै परी । अन्धविश्वासके कारण विभिन्न किसिमके सामाजिक कुरीतिसे हमार समाज प्रसित बा । जबतक यी विद्यमान अन्ध विश्वास, सामाजिक कुरीति समाजसे नै हटाई सेकजाई तब सम्म हमार समाज प्रगति नै कर सेकी । उ चुप चाप बजारके सिधू स्वास्थ्य लाभके कामना करती सौनीक घरसे बहुत दुःखी होक निकरथ ।

बजारके समपत्तिके नामम एक कट्टा घरबास और एकथो जीर्ण आवस्थाम रहलक छोटी छप्पर सिवाय कुछ नै रथस । पूजाके सामा जुटाईकते रुपियाँके आवश्यकता परलस ।

ऐसिन दुखके घडोम ओही सहयोग कर्ईया कोई नै रह । रह एक मोहन लेकिन उ आब बजारक घरम कसीक आइ ? एक मात्र उपाय उह एक कट्टा घरबास बेचना सिवाय और उपाय नै रह गैल । गाउँके जमिन्दार कालराम फे बजारक एक कट्टा घरबास कसीके हडपनाहो कहक उपाय सोचती रह । यह घडी ओकरलाग बहुत कामयाब हुइलश । एक हजार रुपियाँम कालुराम बजारक घरबास किनल । उह एक हजार रुपियाँ खर्च कैक गुरुवा मण्डुके निर्देशानुसार सारा वस्तु तयार करल । घरम हुईलक १५-१६ मुरी अनाज जाँड, मढ बनाक ओरैल । विचारी सौनी एक ओर आपन बाबक सुसार कर्ना दोसर ओर पूजाके लाग सामा करना वत्तें हार ओ छाला केल होगैलरह । एक ओर भैंयक चिन्ता, दोसर ओर आपन बाबक, तेसर ओर पूजाके सामा करना विचारी मन मन कहथ- "हमन भगवान दुनियाँमें काकर जन देहल । पूर्व जनमम हम्र कौनसे बहुत भारी पाप कर्ली, भगवान हमन ऐसिन कठोर सजाय देहता ! ऐसिन कठोर सजाय भोग परता !

चैत पञ्चमी फे आइल । एक दिन पहिलेसे सारा कुल, कविला, ईष्ट मित जम्मा हुइल पूजाके निमन्त्रणा स्वीकार कैक । गाउँ भरीक गरधुरियन और गरधुरन्यन आपन आपन नात नत्कुर लेकर बजारक घरम जम्मा हुईथ । पूजा बहुत धुमधामसे सम्पन्न होईथ । लोहार सूजी परक शिकारके लाग जम्मा होईथ । विचारी सौनीईष्ट मित गाउँ गवलियन बहुत प्रेमसे खवाइथ । सुकजना सौनीक बहुत प्रसंशा करथ । यी लौ-यात बहुत होन हार, बहुत कुसल बा । ऐसिन गरीब परिवारम कसिक भगवान जनम देलस । सकुजान भगवानसे बजारक सिधू स्वास्थ्य लाभके प्रार्थना करती आपन² घर ओर

प्रस्थान कर्ल । सब जान इष्टमित्र गाउँ गवलिया निमन्त्रणा स्वीकार कैक बजारक घरम ऐल लेकिन मोहनकेल हो, नत निमन्त्रणा पाइल, नत आईल । काकर कलसे गुरुवा मण्डुक निर्देशानुसार सौनी मोहनहन हमार घर जिन आईस दादु तै ऐब्यात हमार बाबा मुजैही कलक ओरसे ऊ वहा ब्रै गेल । पहिले त मोहन निमन्त्रणा नै पैलसेके सौनीक घर जाईकते घरसे उ निकरलरह लेकिन बिबमे सौनीक उह शब्दके डरके मार उ नै गेल । तै ऐब्यात हमार बाबा मुजैही कना बातह स्मरण हुइलक ओरसे जैना हिम्मत नै ऐलस ।

सारा धन सम्पत्ती अन्न पात पूजाम खतम होगैलस । ओहर बजारक स्वास्थ्य दिन प्रतिदिन झन झन नाजुक हुईती गैलस । सौनीक ओ असारुक सृत्यशैयाम परल आपन बाबक आँजर - पाँजर बैठक रुईना सिब य और कौनो प्रयोजन नै रह गैलन । बजार आपन दुई नेत्र बराबर छाई छाव आपन आँजर पाँजर बैठक रुईत देखक ओकर सुख लगलक आँधसे जबरजस्ती आँस बहल गलिस । उ बोल नै सेकथ वाकर आँस रुपी शब्द यह कथस कि म्वार दुई नेत्र जैसिन छाई और छावा आब मै तुहन छोरक कबु नै घुम्ना कैके जैती बाटु । आब मै तुहनके मुख देखना अत्रहो । छाई तौर भैया तौर जिम्मा लगाक जैती बाटु । आपन भैयाक लाग बाँचस छाई ।

विचारा मोहन छटपटाईथ जबरजस्ती बजारक घर जाक अपनहे ब्रोकक वहही अस्पताल लैजाक औषधि उपचार काउँ लेकिन सौनीक उह “दादु तै हमार घर जिन आईस । तै ऐब्यात हमार बाबा मुजैही शब्दसे मोहनके हिम्मत नै ऐथस । अन्धविश्वासी समाजह धिक्करती ऊ पाऊ रोकथ । और मन - मन बरबराईथ- “आब विचरा बजारक

कैसिन हालत हुईथिस कह नै सेकजाई । विचरा निर्नोष अवोध सौनी और असारुक कादोष ? विचरा हुकनक का दशा हुई हिन ? सर्व व्यापी सृष्टि कर्ती भगवानक कैसिन निष्ठुरी !

बजारक बाक्यत दुईदिन पहलसे हेरा रलहस । आब वाँकर मुटुके टुक - टुक सिवाय कुछ नै हुइस । बुट बेरीक बत्ती अस एक घचिकलाग ओकर आंख उघूथस । आब तुहन छोडक जालगनु कैके आपन छाई छावहन अडकमाल करक लाग बल्ल - बल्ल हाथ उठाई खोजथ लेकिन उठाई नै सेकक उ हाथकेल हिलाइथ । वह बेलाम सौनी और असारु आपन बाबक छातीम घोप्याक रुईलगथ । विधिके विधान बरा ताजुबके रहथ । एकथो उखान बा “पात्तीर वेन्होम पवाड परथ । “विचरा एकत सामाजिक, आर्थिक शोषणके मारम परलक दुखी दरीद्र परिवार त्यहुम देविय प्रहार फे वह परिवारमें पर्ना । ऐसिन प्रहार एक किशोरी कैसक सामना करी ? विचारी सौनी यह सब निर्दयी मार खप नै सेकक कबुत आत्महत्या करना फे तयार होजाय लेकिन अपन भय अस - रुह समझक आत्महत्या कर नै स्याकथ । उ संकल्प करथ, समस्यासे डराक आत्महत्या करना बहुत भारी कमजोरी हो, पाप हो कैके आब मै आत्महत्या कबु नै करम समाजम विद्यमान अन्धविश्वास, जाति भेद, लिङ्ग भेद, अन्धाय अत्याचार, शोषण दमनके विरुद्ध संघर्ष करकलाग बँचाय और बँचम आपन भैयाक असारुक लाग कैक । मै आपनहे कमलहरी लागक भीख मागक हुइलसेके आपन भैयाहन समाजके कर्णधार बनाइकते विद्यालयम भर्ना करम । छुखन रहक हुईल सेके कापी, किताब, कलम किन देहम । मोर भैयाहन मानव बनाक रखना जिम्मा मोर दाई बाबा महीहन छोडगैल । यी जिम्मा मै जरूर पूरा करम ।

सौनीह पूर्व स्मृति होईथस उह मोहनके शब्द "बाबा अन्धविश्वासम नै परनाहो । पाती बैठक, विराहेरक धामी, झाक्री बैठाक कभु विरामी सन्च नै हुईही । अस्पताल लैजाक औषधि करैनाहो । आर्थिक सहयोग मै करम ।" उ सोचथ - यदि मै मोहनके बात मानजैतुत मोर बाबा बाचजाइत, सारा सम्पत्तीके नाश नै हुईने रह । और गुरुवा मण्डुक शब्द फे स्मरण करथ- "अस्पताल लैजैना बात लैजाओ । जसहों तसहों होईत मै नै जनम ।" सौनी महीनौ दिनके भुखाईल बघिनीया जैसिन देखपरथ । लाल-लाल आँख, लतपत्ताईल शिरके केश दुखलगतिक बिचारी पिअर, डुब्बर शरीर । एक मनले सौनी सोच आब तुरुन्तजाक गुरुवा मण्डुहन भार दारु लेकिन गाउँके आसपासके मुरगी, सुअर, जाँड मडके भँकरी सुखैलक भीम-काय शरीर लगारा अस ढिरह सम्झथ । तत्काल जाकर वाकर सामना कर्ना हिम्मत नै परथिस ।

सौनी मोहनहन सम्झथ । मोहनह प्रयोग कैलक आपन उह शब्द सम्झथ- "दादु ! तँ हमार घर जिन आइस ! तँ ऐब्यात हमार बाबा मुजैही ।" सौनीक नेत्रसे अश्रुधारा खस लगथिस । तुरुन्त मोहनके घर जाक वहीसे क्षमा याचना मग्ना विचार करथ लेकिन मोहनके घर जैना हिम्मत नै परथिस ।

ओहर मोहनके हाजत फे ओस्तहे रथिस । उ सोचथ कि कैसिक सौनीक घर जाक सौनीक दीन दुःख परिवारहन सस्वेदना देनाहो । ठीक यह समय सौनी पानी भर घत्वा गैलरह, मोहन काम काज ओराक उह डगर आईतह । दुनु जहनके भेत हुईथन लेकिन दुनु जन्हके मुहस शब्द नै निक्र सेक्थन । दुनु हुनके आँखीम आँस छलवलाई लगथिन । बल्ल

बल्ल सौनी बोलथ- "दादु ! क्षमा करस् । तोर बात मन्तुत, मोर बाबा स्वर्गारोहण नै हुईने रह । सारा सम्पत्तीके नाश नै हुईने रह । वह पापी मण्डु गुरुवाक कारणसे मोर दाई बाबा हमन टुहुरा बनाक यी समाजके घृणित क्रियाकलाप देखक डर यह असारम यी ससारमे कबु नै घुमना कैक स्वर्गीय होगैल । सौनीक आँख फे दोत्र रसाजैथस । बहुत दुःख पोखना मन लगथिस लेकिन शब्द घाँटीसे बहार नै निक्र सेक्थिस ।

मोहन सौनिक आँस पोछ दिहथ और सम्वेदना दिहथ जिन रो बाबु ! आखिर यह असार संसारमें जन्म लेलसे नै जाकर सुख नै हो । हन्न फे एक दिन उह डगर नै जाकर छुट्टी नै हो, खाली एक दुई दिनके आग-पाछके लहो । तोर दाई बाबा त यह समाजके मानवीय अवताररूपी दानव हुकनके दानवी क्रियाकलाप अन्याय, अत्याचार शोषण दमन देखक डर गंगैल लेकिन हन्न विभिन्न प्रकारके अन्धविश्वास, सामाजिक आर्थिक शोषण दमन, अन्याय अत्याचारके विरुद्ध संघर्ष करकलाग बाँच परल वा वह ओरसे बाबु ! तँ फे फुर्सत के समयमें लेखना पठना काम करपरथा मै फुर्सतके समयमें पढ़ादिहम । तोर भैया असारुहन तुरुन्त विद्यालयमें भर्ना करक पडल ।

सौनी आपन भैया असारुहन विद्यालयमें भर्ना करक लाग कालुरामसे रु. १५०/- ओकर घरमें कमलही लगना कबुल करके ऋण लेहल और आपन भैया असारुहन विद्यालयमें भर्ना करथ । आसारु साँझ विहान कालुरामके घरमें कमैयाके रूपमें घाँस कटना, विद्यालयके विदाके दिनमें छेगरी भेंडी चराकर पेट पलना बाध्य होईपडलिस । सौनी आपन भैया विद्यालयमें भर्ना करपैलक ओरसे बहुत हर्षित देखपरथ ।

मानो ओकर दीन दुःखी परिवारके भविष्य अजरार होईलागल ।

मोहन गाउँके कुछ युवक युवती हुँकन और सौनीहे फुसंतके वेला साँझमें पढ़ना शुरु करल । सौनी बहुत तेज बुद्धिके कारण केही समयम साधोरण लेख पढ़कर सेवनाके साथ साथ सामाजिक चेतनाके ज्ञान फें प्राप्त करल । एक ओर सौनीक ज्ञानके प्रतिभामें कोपिला लगना शुरू कैलिस दोसर ओर वकर पात्तीर मिलल गोरहर शरीर भारी भारी करीया - करीया आँख, लम्मा - लम्मा कुब्बर करीया - करीया केश देखके कालुरामके दानवी आत्माम व्यभिचारके देखा पहलाइ लगलस । ओकर आँख चोर विलराके जैनि हरहमेंशा सौनीक रूप देख लगलथ । उ सौनीह बहुत प्यारसे व्यवहार करलागल ।

अचानक पाषाण हृदयी कालुरामम अतरा हाली परिवर्तन होईत देखकर सौनी बडा अचम्मम परल । उ स्वात्र लागल कि कालुराम जैमिन पथर दिलके मननम काकारणसे अतरा हाली परिवर्तन हुईलस याकर रहश्य जरु बा ! उह ओरसे मैं जरु ओहीसे सतर्क होईपर्ना बा । कालुराम जसिन नरपीचाशन, पाषाण हृदयीनके आत्मा कबु कुईनही आज तक पगलाई सेकलहो, नत कबु कोइ सेकी घर अकर आत्मा कैसिके पघल सेकथस । जरु यी भूत मानवी खोज लागाकर मानवीपन देखैलक केल हो ।

कालुराम सिक्टी जैसिन शब्द सौनीह प्रयोग कर आब ओकर ठीक विपरित निर्मल कञ्चन पानी अम शब्द प्रयोग करलागल । कालुराम पहिलत सौनीक छुअनफे नै खाए लेकिन आब सौनीक दिहल बहुत मीठ मानक खाईलागल । यहाँ तक कि कबु - कबु त ऐसिन फे कह- “बाबू ! मोर खाना

तै पकाईस । तोर दिहल त बहुत मीठ लागथ । पकैलक ज्ञान कैसिन हुई । ऐसिन फे कह- “बाबू ! कबु कबु तै नै ऐत्यात मही खाना फे नै खैनास लागथ । आब बाबु तै यह सुतस । सस्ता कोठा पलबा । ओढ़ना विछौना फे पलबा ।”

कालुरामके ऐसिन तेलार बात सौनीके आत्माम तीर बराबर लगथिस । कबु यी दानवके पञ्जसे मुक्ति मिली । एक मिनेट फे ओकर घरम वितैना वर्ष दिन बराबर लाग थिस । सौनी कहथ- “दादु ! तोहार खाना बन्यूया सिपार मनै सस्ता पलबाट । मोर घरम मोर भैया ईकहल डराइथ, मैं घर नै जैमत मोर भैया डराई उ कसिक रही ? उह ओरसे दादु मही ईहा बहुत रातसम जिन रोकहो ! नै त तुहीन पापलागी ।

सौनीक बात सुनक कालुरामहन बहुत रिस लगथम लेकिन आपन रिस जवरजस्ती रोकना कोशिश करथ । और सौनीम जौन चेतना देखापरथ वह चेतना कालुरामहन बहुत सचेत बनादेथस । उ सोचथ यी गाउँम गरीवनमें चेतना लनो ईया अरु कुइ नै हो वह मोहन हो । उ बहुत बेमान हो । एक पटक जेल गैलक विसरा दारल कि का हो ? कम्युनिष्टके काम अस्तह रथिन । गरीवनम चेतना लानक हमार विरोधम संघर्ष करैना । यी कम्युनिष्टके जर रहत सम ओहीमसे गवाजा लौटती रहथ । उह ओरसे हुकहनक जर उखारक फाक परथ ।

कालुराम आपन मुख्य सत्लाहाकार बुद्धि नारायणह बलाईथ । बुद्धि नारायण तुरुन्त कालुरामके घरम आईथ और कहथ “काकर बलैली हजुर ? उत्तरम कालुराम कहथ हेरी ! बुद्धि नारायण जी । आजकल हमार देशम कम्युनिष्ट बहुत सक्षम रूपम बढ़ती बाट, कम्युनिष्ट शक्ति कैसिक

रोकनाहो कम्युनिष्ट नै हुइलक त कौनो गाउँ नै हो। एक घन्टी विचार करक बुद्धि नारायण बोलथ हेरी कम्युनिष्ट शक्तिह मस्ना दुथो डगर वा एक डगर नकली कम्युनिष्ट वनक हुकनक शक्ति पत्ता लगाक हुकन खतम् कर्ना और दोसर डगर मातृ संस्था नेपाली कांग्रेसम प्रवेश कैके कम्युनिष्ट शक्तिह रोकना।

बुद्धिनारायणक बात सुनक कालुराम बहुत खुसी हुइथ। बुद्धिनारायणक पिठम हात धैक स्यावासी देहथ-बुद्धिनारायण धन्य हो तुँ! जैसिन नाम वेसिन काम! कही आब मै काकरू? बुद्धिनारायण बोलथ अपन २००७ सालक जनक्रान्तिम सक्रियता पूर्वक भाग लेलक मनै हुई। २०१७ सालम प्रजातन्त्रके अपहरण हुईल। अपहरित प्रजातन्त्रके खोज गुहारम निर्वासित जीवन के बिताइक परल। २०२८ सालम जनमत संग्रहके घोषणा हुईल। सुधार सहितके पञ्चायती व्यवस्थाम के अपनेक योगदान बहुत बा। २०४६ सालक जनआन्दोलन दवैनाम के अपनेक योगदान बहुत बा। समय और परिस्थिति अनुसार चलक परथ। पञ्चायती व्यवस्था बैचाईकतन जनआन्दोलन दवैना प्रतिकार समितिमें रहलक मंगैत नेपाली कांग्रेसम प्रवेश कंसेकल। उह कांग्रेस पञ्च उह पञ्च कांग्रेस। उह ओरसे अपन के नेपाली कांग्रेसम प्रवेश करी। नेपाली कांग्रेसम प्रवेश कर्ना कौनो कठीन बात नै हो। भीतर जैसिन हुईलसेके बाहार कांग्रेसी आवरण, कांग्रेसी टीका लगैलसे होगैल। कुछ कार्यकर्तन साम्यवादके खोल ओढ़क कम्युनिष्टनम पठादी। यह सबसे उचित डगर हो। ऐसिन उपाय नै कैक नेपालम बाँच नै सेकजाई। नारा प्रजातान्त्रिक समाजवादके पलबा। और व्यवहार त हमार आपन पलबा। व्यवहारम के प्रजातान्त्रिक समाजवाद प्रयोग

नै कर्वीत हम्म कबु नै सेकबी। कमैया, कमलहर रैती कैसिक पैबी?

बुद्धिनारायणके सल्लाह अनुसार कालुराम आपन ६-वर्षके पुरान समर्थक हुकनके नामावली तयार पारथ और दलबल सहित नेपाली कांग्रेसम प्रवेश करथ। केन्द्रम नेपाली कांग्रेस पार्टीके आयोजनाम स्वागत समारोह बहुत धुमधामके साथ सम्पन्न हुईथ। नेपाल रेडियोसे समाचार प्रचार हुईथ-“कालुराम यतिजना आपना सहयोगी लिएर पूरा दलबल साथ मातृसंस्था नेपाली कांग्रेसम प्रवेश गर्नु भयो। वहुनाई भव्य स्वागत गरियो।

कैसिन अनौठो नेपालके राजनीतिक सिद्धान्त और व्यवहार जैसिन रहलसेके टीका लगैलसे काम खतम! प्रजातन्त्रके टीका लगैलसे प्रजातान्त्रिक, समाजवादके लगैलसे समाजवादी। पहिले प्रजातन्त्र प्राप्तिके लाग चलैतक जनआन्दोलन दवाईकलाग आन्दोलनकरी हुकन जनता मुठलसेके प्रजातान्त्रिक। समाजवादके टीका लगैलसे प्रजातान्त्रिक समाजवादी!

कालुराम मातृसंस्था नेपाली कांग्रेसम प्रवेश पंती साईत चुनावके भूमिका तयार पारकते गाउँम प्रवेश कर्ना विचार करक बुद्धिनारायणसे कहथ ‘बुद्धिनारायण जी! चुनाव वहुन नजिक आगैल बा उह ओरसे आब प्रचर प्रसारके कार्यक्रम त बनाईक परल। बुद्धिनारायण सुझाव देहथ। हेरी! हजुर जौन गाउँमें जैसिन कैके प्रभाव परथ वेहिह समर्थन करक परथ। हम्म सबसे पहल थारू समुदायम देश बधियन, गुरुवन और महतावन पकरक परथ। कहनक माध्यमसे हम्म चुनाव जहर जित सेकबी। परवाती और दोसर और जात होईलक गाउँमें

बडामहाराजाधिराज पृथ्वीनारायण शाहके महानवाणी चार जात छत्तीस वर्णके नारा पलबा । थारू समुदायमे जे सहयोग नै करीत सामाजिक बहिष्कारके नारा देहक परी ।

असारू फाटल - फाटल कट्टु और फाटल² झुत्वा लगाक विद्यालयमे पढे जाईथ । धनिके लडका ओहीहन बहुत हेलहा कर्थ । कबु² त हित्वा फे कथस । हित्वा शब्दके प्रहार असारूक आत्माके बाण समान चोट लगथस । आखिर ओकर आत्माके चोट देखोइया संसारके प्राणीके अखोरिया और ओकर दिदी सौनी सिवाय कुई नैही हो । विचरा असरू रुईत² लाल लाल आँख लेक घर आए । ऐतिकी झोला धरक मुखल किसनवा कालुरामके घरमे गैजा लेक घाँस काट जाइथ । आपन भैयाक भुखाईत, पियासल शरीर देखत सौनीके नेत्रसे अश्रुधारा बहलगथिस । कोही नै देखना कोशिस करती करती फे ओकर किस्तीन्या कालुरामके जन्नी जगमोहनी देख उरथिस । जगमोहनी बोलथ- “काकर रुईते रे ? कान धन्धा छोडक ! का सम्झक रुईथ बेश्या, रण्डी, आपन भटार समझक रुईत्या ।

किस्तीन्या जगमोहनीके अस्लील घृणित गारी सुनक सौनीह असह्य होजैथिस । एक मनसे त कहथ जगमोहनीह मुहभर जवाफ दिउं लेकिन विवारी असहाय होईलक ओर से आत्म संयमके साथ चुपचाप मनके बातह मनमें पचाक रहल । ओकर आँखसे तुरुन्त आँस सुखग स । आत्मा जर लगथस उ मन - मन कहथ “हे भगवान यी नरपिचासके घरसे कव हमन छुटकारा मिली ? कौन जुनीके पाप होई ?

बल्ल - बल्ल दिनभरके काम काज ओराक सौनी और असारू आपन घरमे बसेरा लिहकलाग ऐथ । विछौनाके

नाममे एकथो गोन्द्री, ओढ़नाके नाममे एकथो फाटल गोन्द्री सिवाय और कुछ नै रहलिन । सौनी आपन भैया असारूहन कहथ- “भैया हन्न जैसिन दुःख यी संसारमे कोई फे नै पैल हुई । भगवानक प्रहार फे हमार उपर ! कतरा निर्दयी बा । हमार दाई बाह हमनसे अछिनक लँगैल । यह समाजमे निर्दयी दानव हुक जहोर तहोर मननके रगत, पसीना चुसकतन बहुत सक्रिय बात । भैया तै एको नै दुःखमानक बहुत ध्यानसे पढ़स । तोही मै यह समाजके नरपिचासनके अन्याय, अत्याचार, शोषण, दमन खतम करकलाग देशके समाजके एक कर्णधार बनाईकतन कमलहर लाक, भीख मागक हुईलसेके तोहीहन पढेस ।

आपन दिदीक बात सुनक असारूक आँख रसाजैथिस । आपन दिदीक गोरम घोप्याक रुईलगथ । सौनी आपन भैया उठाक आँस पोछदिहथ और सम्झाईथ- “जिन रो भैया ! मै सिवाय तोर के बा ! हमार दुःखक यह समाजके दानवी आत्मा रहल मनै हस्थ, गैथ नचथ यह ओरसे जतरा दुःख, पैतसेके हन्न हँस्ती सह परथ । दुःख, सुख जैसिन परिस्थितिमे फे धैर्यधारण कर सेक परथ । यह संसार दुःखसे भरल घेला हो ।

आपन दिदीक अति सुनक असारू बहुत गम्भीर हुईथ । खुब ध्यान देक पढ़थ । परीक्षाम पहिला हुईथ । वाकर प्रतिभा देखक कक्षाके लडका बहुत इर्ष्या कर लगथ । वाकर शिष्ट भाषा, लगनशीलता देखक शिकक वर्ग उहीसे बहुत प्रभावित हुईथ । असारूह छात्रवृत्तिके प्राप्त हुईलस ।

असारू गाउँके विद्यालयमें प्रथम हुईतक खबर सुनक कालुराम रिसके मार मुरमुराई लागथ, लेकिन सौनीके रूप

योवनसे मोहित हुईलक ओरसे देखावटी रूपम असारुहन बधाहिके साथ² कुछ आर्थिक सहयोग करना विचार करथ । उ सन्निष्ठा एक बेलाम सौनीक घर ओर प्रस्थान करथ । कभु घरम नै ऐना मनै एका एक घरम ऐलक ओरसे सौनी और असारु अचम्म मानक उठजैठ । सौनी कहथ- “काकर यहा सम दुःख पैलो दादु ! आज हमार दुःखीनके झोपरी पवित्र कंदेलो । कालुराम हँस्ती-हँस्ती कहथ- “आज मै बहुत हर्षित बाटुं बाबू ! काकर कलसे आज तोर त्याग, तपस्या आशीर्वाद और असारुके मेहनत, लगनशीलतासे उ जाँचम पहिता हुइल वह ओरसे तोही और तोर भैय असारुह वधाई दिउं और कुछ आर्थिक सहयोग कहुँ कैके ऐनु । सौनी कालुरामहन एकथो बेरीं बँठना देहथ । बेरींम बँठनक मनै कालुराम बडा मुस्कीलसे हँस्ती बेरींम वैथत । जबमसे दुईसय रुपियाँ निकारक सौनीह देह खोजथ और कहथ- “त्या बाबू ! यी रुपिया त्वार भैयकलाग किताब कापो किन देहम् ।

पाषाण हृदयी कालुरामक यह देखावटी बधाई और सहयोग प्रति सौनीह बहुत घृणा लग्थित और कहथ- “दादु ! यी रुपियाँ धँलेओ । अपनक यी रुपियाँके जरूरत नैहो । सौनी के अस्वीकार्य शब्द कालुरामके हृदयमें तीर बराबर लग्थित । आपन घृणित आशा चवनाचुर हुईलगलक ओरसे उ बहुत निरास हुईथ । मन² कहथ- “सौनी नायीका बने लागलबा । यी सब मोहनके काम हो । मै सब तुहीन ठीक करम । उ स । सर एक शब्द नै बोलक आपन घर ओर प्रस्थान करथ । कालुराम मन² सोचथ अगर दोसर मनै हुइतत जुत्तामारक निकार देटुं । काकरुँ, सौनीक रुप योवन मोहीह महित बना देहलबा । मै कभु नै सोचल रहूँ कि फुहर टत्वाम कमल फूलथ

और काँटाके बीचम गुलाफ फूलथ कैक । यह झोपरीम सौनी जैसिन सुन्दरीके जनम कसिक हुईलिस । मै सौनीह कौन उपायसे अपनाय सेकम् ?

कालुराम सौनीह पथरी विछैना बहाना कैक आपन कोठाम बलाईथ । उ कहथ- “बाबू ! तोही विना मै बाँच नै सेकम । तोहीसे जौन दिन भेट नै हुईथ तब मही ऐसिन लागथ कि मोर मुटु मोर शरीरसे निकर गैलबा वह ओरसे तोही मै आपन सबसे मैगर जहान बनाक धरम । यहातक कि तोहीहन आपन लुगा समेत धुई नै परी । तमाम कमलहर पत्रबात ।

बुबा कनाअस कालुरामक वसिन शब्द सुनक सौनीह असैह्य हुईथिस । उ एक थप्पड कालुरामक कनपटीम लगाईथ और कहथ- ‘तोहिन तनिकफे सरम नै लागथ ! नतीन्या कहना जसिन लडकीह जहान बनैम कहना । मै गरीब, दु खी असहाय जरूर बाटुं मै एक मानवके लडकी हूँ, मोर फे ईज्जत बा । तोहार जसिस दानवनसे मोर ज्यान गैलसेफे भ्वाज नै करम । और तुहार जसन नरपीचासकसे नै झुकम । दादु आजसे वहीं विदा दैदेम । मै तुहनके जैसिन दानवके घरम नै रह सेकम् ।

सौनीक हातसे थप्पड और तीस्लार तीर जैसिन शब्द के प्रहारसे कालुरामके आत्माह बहुत भारी चोट लग्थिस । उ सौनीह तुरुन्त काटकर ओकर शिकार खादाहुँ जैसिन रिस लग्थिस लेकिन काकर कालुराम जैसिन स्तीलस्वात मनै सौनीके रुप और योवनसे मोहित होक यी सब कर नै सेकत सौनीह फसैना दोसर उपाय सोचथ । उ एक नकली तमसुक सन्दुकसे निकारथ और देखाईथ- “देख बाबू ! तोर दाई

विमार परतले तोर बाबा महीसे औषधि और पूजा करक तन १,०००/- एक हजार रुपियाँ ऋण लेलह। तँ मोर घरसे चल जैवेत यह रुपियाँ के तिरी, ओह ओरसे तँ मोर घरसे जिनजा। यह रुपिया फे माफ कैदेहम और सहयोग कैदेहम।

कालुरामके बात सुनक सौनीह एकदम असह्य हुईथि पुनः एक तमाचा जमाईथ और लाल लाल आँखीसे कालुराम हेरथ और कहथ अब मै तोर घरम एक मिनट फे नै रहम नरपिचास ! मोर उपर हात लगैव्यात तोहिह यमलोक पुगादि हम। सौनीक हातके टमाचा खाक कालुराम घरके दिवाल म थक्कर खाए पुगथ। झतपत उठक सौनीह बलात्कार करक लाग बहुत करासे सौनीक करहिउ पकरथ। यह वेला सौनीक काम कैलक मजबुत हाथ शरीर अटना जोरसे कालुराम प्रहार करथ कि जौन प्रहार खाक कालुरामके बुढाईल शरीर घायल होक मुर्छा परजैथिस। एक घची पाछ उ सचेत हुईथ। जहोर तहोर सारा कोठा हेरथ सुनसान पाइथ सौनी पहिलहे ओकर घरसे भाग गैरह।

कालुराम आव सौनीह आटङ्कारीक आरोपमें फसैना जाल रचल। उ तुरन्त डि. एस. पी. कार्यालयम जाईथ। डि. एस. पी. ओमप्रकाश वास्तोला ओकर स्वागत करतो कहथ- "जय नेपाल हजुर ! पाल्नुहोस, के कति कारणले कष्ट पाउनु भो, यहाँको के सेवा गर्न सकछु ? कालुराम कहथ- "हेर्नोस डि. एस. पी. साहेव; हाम्रो देशमा कम्युनिष्टहरू बहुत बढ्न थाले। गत राती हाम्रो गाउँमा एक कम्युनिष्ट लडकीले आफनो घरमा आटङ्कारीक कम्युनिष्टहरूको मितिङ गराई र राती १ बजेको समयमा मेरो घरमा उकैटी गराई चालीस

हजार रुपियाँ लगे, मलाई त यति पिते कि जुन चोटले अहिले पनि शरीर दुखी रहेछ; इ हेर्नोस् न सारा गाला सुनी सकेको सुआल गाल देखाईथ। डि. एल. पी. कहथ- "डाकाहरू क कस लाई चिन्नुहुन्छ ? कालुराम कहथ- "अरुलाई त चिन्दोन डि. एस. पी. साहेव सौनीलाई भरी चिन्दछु। उ हाम्रो गाउँको हों। उसलाई ल्याए त सबै भनिहाल्छे नी।

डि एस. पी. टेबुलम रहल घण्टी बजाईथ। एक प्रहरी हवल्दार उपस्थित रुइथ। डि. एस. पी. आदेश दिहथ- "ए बलराम ! जा वहाँसंग र सौनी भन्ने केटीलाई लिएर आ। हवल्दार बलराम- हस साव ! उ कालुरामके पाछ लागत सौनीह पक्र जाईथ। सौनी आपन भैयहन खाना खवाक विद्यालय पठैना तयारीम रह। हवल्दार सौनीह देखती साईत वाकर रुप योवनसे मोहित होजाईथ। उ सौनीह बहुत प्रेमसे कहथ- "सौनी तपाईको नाम हो बैनी ? सौनी कहथ हो का काम बा ? हवल्दार थारु भाषा न बुझथ अकमकाईथ। तब सौनी नेपाली भाषाम कहथ- "के काम छ ? हवल्दार कहथ बैनी तपाईलाई एकछिन डि. एस. पी. सावले बोलाए को छ, जाओ। सौनीह आव डर कहना चीज हेरासेकस रज- हिस उ कहथ हिड्नोस जाओ।

सौनीह लेक हवल्दार डि. एस. पी. कार्यालय पुगथ और कहथ जय नेपाल साव ! सौनीलाई ल्याएको छ। डि. एस. पी. सौनीह आपन कार्यालयमें उपस्थित करैना आदेश देहथ। अदेशानुसार सौनी उपस्थित हुईथ। डि. एस. पी. सौनीक निर्दोषी शरीरहन शिरसे पाऊसम बहुत गौरसे हेरथ। उ सौनीक रुप योवन और निर्दोष अनुहार देखक मोहित होक कहथ- "तिम्नो नाम सौनी हो नानी ? सौनी कहथ हो। डि.

एस. पी. पुच्य- "कालुरामको घरमा गत राती डकैती परेको हो ? तिम्रीलाई थाहा छ ? सौनी कहथ छैन । डि. एस. पी. कहथ- "नदात नानी ! सही सही बोल । गत राती के के भयो ? सौनी कहथ- "सुनुस डि. एस. पी. साहेव ! मै कालुरामके घरम कमलहर बस्याको थिए । उसले मलाई बिस्तारा लगाउन आफनो कोठामा बलायो । उसले मलाई आफनो जहान बनाउछु भन्यो । मैले मानिन वह ओरसे मलाई जमरमस्ती बलात्कार करना चाह्यो उह कारण मैले उसलाई पिटेकी हुँ । और केही पनि होइन डि. एस. पी. साहेव ।

सौनी निर्दोष बा कैक डि. एस. पी. थाईपाइल लेकिन कालुराम जैसिन समाजके साड मननके कहलक न मनसे नोकरी जैना डर और बबोटलके बबोटल तिलकिक चाउर टीनका टीन ध्यु, तेल समेत बन्द हुइना हुइलस । एक ओर कालुरामके महत दोसर ओर सौनीक रुप यौवनसे युक्त निर्दोष अनुहार डि. एस. पी. बहुत अप्ठ्यारोस परथ । आखिर सौनीक रुप यौवनसे ओकर पतरा भारी हुईथिस । डि. एस. पी. कहथ "वहिनी तिम्री निर्दोष छ्यौ, जान सबछ्यौ तर समय समयमा म सित भेट गर्दै गर्नु । कुनै पनि त्वस्ता व्यक्ति संग सम्पर्क नराखनु जो कि जनताको घर - बरगा गएर जनतालाई भडकाउने गर्छन ।

सौनी बहुत गम्भीरताके साथ डि. एस. पी. साहेवहन बिदाईके अभिवादन कैक घर घुमथ । उ उगरीम बहुतसे बात सोचती आईथ । मन² बरबराईथ- "दुनिया बहुत मतलबी बा । यह समाजके मानवरुपी दानव हुकनके रजाई बातिन । सरकार फे हुकहनक पेदा जैसिन बात । हुकहनक सुरक्षाके लाग बात अस्तह बहुतसे बात सोचती- सोचती उ घर पुगथ ।

विचरा असारु भुख, प्यासले याकुल व्याकुल घरक एन्थो कोन्वम बैठक चुपचा आपन दिदीक बत्या ह्यारथ आपन दिदीहन आपन आग वेखथ तब उ जरूवक उठक आपन दिदीक हात पकरक रइलागथ । सौनी आपन भैयक शिर सुहरैती कहथ "जिन रो, मोर भैया हमार लाग यी दुनियाम कुई नही हो, तोर लाग मै और म्वार लाग तै सिवाय मै तोर लाग बाँवलबाटुं । मै तोही समाजके कर्णधार बनाक छोडम । समाजके नरनिचास हुकन खतम कैक स्वच्छ मानव समाजके निर्माण कर पर्या । सौनी आपन भैयक आँस पोछ दिहथ ।

लोक सभाके निर्वाचनके चहल पहल जहोर तहोर बा । विभिन्न पार्टीके नेता, कार्यकर्ता हुक बहुत सक्रिय देखापरथ । कालुरामके लोकसभाके उम्मेदवारके रुपम बहुत सक्रिय बा । ओकर एक मत्र उद्देश्य निर्वाचन जीतक ससदम जाक मन्त्रि परिषदम पुगना रथस । उह ओरसे प्रचार प्रसारके पूर्ण तयारीम बा । कहाँ कौन किसिमक उपाय अपनैना हो यस तयारीम बा । थारु समुदाय हुईलक ठाउम एक टोली जौन टोलीके प्रवा के माध्यम जतियताके नारा रथस । परबाती और दोसर जाति हुइलक ठाउँम जातिय वर्ग सम्मन्वयके नारा देक प्रचार कर्ना निर्देशन देहथ । और तेतर भूमिगत टोलीके गठन करथ । जौन टोलीके कार्य जासूसी कर्नाके साथ साथ विरो-धिन खतम कर्ना रथस ।

कालुराम थारु समुदायम देशबँधियन, गुरुवन और महतावन बलाक बहुत मजासे खानपिन कराक कहथ- "हेरो ! मै फे चुनावम उम्मेदवारके रुपम खडा रहनु अपनहुक सह-योग कर परल । अपन हुकहनक सहयोग और सद्मानवसे मै जहर विजयी हुईम । मै मन्त्री बनमत अपन हुकहनक बहुत

सेवा करम। अपन हुक ऐसिन प्रचार करी कि यदि कालु-
रमह नै जितैबी त हम्न सब खतम हों जैबी। गाउँम कुछ
हुइत हम्न नै जनबी। कालुरामह नै जितैबी त हमार पानी
छोरदेही। उपस्थित रहलक देश बँधियन, गुरुवन और महता
वन एक साथम कथ- “ठीक बा हजुर! हम्न तयार बाटी।
हम्न जरूर जितैबी।

कालुरामक निर्देशानुसार ठाउँ ठाउँम बहुत जोरतोरके
साथ प्रचार प्रसार हुइलागथ। देशबँधियन, गुरुवन और महता
वन आपन-आपन क्षेत्रम जाक बहुत जोर तोरके साथ डर,
तास, धम्की, लोभ, लालचके साथ प्रचार कर्थ लेकिन ओकर
कुछ प्रभाव जनताम नै परतन् जौन प्रभाव २०१५ सालम
परल रह। जनताम थोर बहुत परिवर्तन स माजिक चेतना
ऐलक ओरसे हुकहनक प्रचारके ठीक उल्टा असर जनताम
परल।

मोहन एक प्रज्ञक युवकके हैसियतसे उ भाषाक माध्यमसे
सामाजिक चेतना फैलैना बहुत प्रचार करथ। उ मध्यम वर्गके
एक सुखी परिवारम जन्म लेक फे गरीबनके सेवाम बहुतसे
समय बिताइथ। ओकर प्रयाससे सौनी जैसिन होनहार सामा-
जिक कार्यकर्ताके उदय हुईल। उह ओरसे मोहन कालुरामक
आँखके किरकीट हुइलवा।

मोहनके साथम आब सौनी फे सामाजिक कामम लाग
गैल। मोहनके कर्ना काम सौनी फे कर लागल। मोहनके
भार तनिक हलुक हुईलस। सौनी फुसंतके समयम गाउँक
महिला हुकन शिक्षा देना और सामाजिक चेतना जगैना
कामम बहुत सक्रियताके साथ लागथ। आसपासके गरीब
महिला हुकनम बहुत चेतना ऐथिन। आब हुक आपन हक

अधिकारके लाग जैसिन मूल्य फे चुकैना तयार हुईथ।

एक वॉर सौनी महिला सभाक आयोजना करथ।
बहुतसे महिलाहुक सभाम उपस्थित हुइथ। सभाम बक्तव्य,
गीह, कविता बावनके कार्यक्रम रह। उदघोषक स्वयम सौनी
रहुथ। सौनी उठक बोलथ- “समाजके कर्णधारके जन्मदाता
प्यारा बुदीहुक दाईहुक और दिदी बहिन्याहुक! आज बहुतसे
वीर शहीद हुकनके बलिदानसे हमार देशम प्रजातन्त्रके मिर
मिरे बिहान ऐलक ओरसे हम्न खुला रूपम आमसभा कर
पैली। सबसे पहिल मैं दिदी बजारिह आपन विचार व्यक्त
करकलाग अनुरोध करतुं।

बजारी- “प्यारा दिदी बहिन्या हुक तभाम वीर शहीद
हुकनके जीवनके बलीदान हमार देशम प्रजातन्त्र आइल लेकिन
जौन किसिमके प्रजातन्त्र प्राप्तिके लाग वीर शहीद हुक आपन
अमूल्य जीवनह बलीदान करज वेसिन प्रजान्त्र नै आइन हो।
देशम हमार महिला हुकनके समस्या बैसिह बा जैसिन पहिल
रह। देशम महङ्गी कालाबजारी, अन्याय अत्याचार गरीब जन
जन चरम सिमाम पुगती बा। जबतक नारी पुरुष बोचके
असमानता, जनताके गास, बास, कपास, शिक्षा, स्वास्थ्य और
सुरक्षाके ग्यारिण्टी नै हुई तब सम्म हम्न संघर्षम उत्र पाना
बा। करतल ध्यनिके साथ ताली बजथ। बजारी आग बोलथ
सम्य छोती हुईलक ओरसे मैं आपन छोती बक्तव्यह यह
रोकटुं। लाल सलाम्। बहुत जोडसे ताली बजथ।

यीह क्रमसे बहुतसे महिला हुक आपन आपन विचार
ब्यक्त कर्थ। अन्तम सौनी एक गीत सुनाईथ। गीत ऐतिन रह -

उठो मोर बुदीहुक उठो मोर दाईन
उठो मोर दिदीहुक उठो मोर बावन।

दुनियाक नारीन हेरो तुह्र कहाँ पुगल हुक;
 उठल जुरमुराक लिखल पढ़ल पुगल चन्द्रलोक ।
 हम्न अमही कहाँ बाटी विचार कै क हेरो,
 चुलहा फुकना कमलहर पठैना सामन्तीन घरम ।
 पुरुषहुक हमार उपर कर्थ शोषण दमम,
 सोचथ हुक हम्नहिन आपन निजी धन ।
 बनैथहुक हम्नहिन सनतानके खानी,
 कहाँतक सहना हम्न ऐसिन अत्याचार ।
 उठी जागी आब त हम्न लेक हथियार ।
 उठो मोर बुदीहुक उठो मोर दाईन,
 उठो मोर दिदीहुक उठो मोर बाबून ।

लाल सलाम ।

करतल ध्वनिके साथ ताली पजथ । अन्तम सभाके सभापति द्वारा सभा विसर्जन हुईथ । सब नारी हुक आपन अधिकार प्राप्तिके लाग संघर्ष कर्ना सँकल्प लेक सौनीक प्रशंसा कर्ती आपन² घर ओर प्रस्थान कर्थ ।

सौनीक प्रतिभा दिन प्रति दिन बढ़ती गेलक ओरसे कालुराम बहुत चिन्तित हुईथ । उ सोचथ आब सौनीह कसिक खतम कर्ना हो, यदि सौनीह खतम नै कर्ना हो त चुनाव जितना असम्भव बा । कालुराम आपन गुण्डन बहुत सक्रिय बनाइथ । वाँकर गुण्डाहुक पेस्तोल लाठी लेक जहोर तहोर टहर लग्थिस । गाउँ घर डरके बातावरणसे व्याप्त हो जाईथ । सोझा गाउँले हुक बहुत अपठारो स्थितिम पर्य । एक ओर आपन हुक अधिकारके सवाल दोसर ओर कालुरामके दबाव ।

एक दिन कालुराम आम सभाके आयोजना करथ बहुतसे जनता सभाम उपस्थित हुईथ । कालुराम जन संभाह सम्बोधन

कर्ति कहथ- "सज्जन तथा भद्र महिला ! आज हमार देशम प्रजातन्त्रके प्रादुर्भाव हुईलबा । देशम पूर्ण स्वतन्त्रता आगैल बा । आब निकट भविष्यम लोकसभाके लाग निर्वाचन हुईती बा । मै फे उम्मेदवारके रूपम खडा बाटुँ । सारा जीवन जनतन्त्रके सेवाम बिता सेक्नु । यीह निर्वाचनम फे जितैबी कहना विश्वास बा । हमार पार्टी प्रजातान्त्रिक समाजव दके नारा लेक आइलबा । याकर उद्देश्य हो निजी स्वामित्व कायम कौख गरीबनके सुधार कर्ना । हमार उद्देश्य यी नै हो कि बडा खुवा काटक छोटीके बराबरम लन्ना । हमार उद्देश्य त छोटी विरुवाह मल जल देक बराके बराबरम लन्ना । जनता अलमलम पर्य । खैला बैला हुईलागथ । कालुराम मायकसे चिन्चयाईथ प्यारा सज्जन तथा भद्र महिला ! शान्त होक बैठ दी । सब जन जन उत्तेजित होक खैला बैला मच जाईथ ।

यीह विचम सौनी मभासे उठक बोलथ- स्वार एकथो अनुरोध बा दादु ! मै आपन बिचार व्यक्तकर पैम कि ? सभा शरत कर नै सेकलक ओरसे कालुराम सौनीह बोल्ना अनु-मात देहथ ।

सौनी बोलथ- "प्यारा जनसमुदाय ! यह सभाम मही-हन आपन बिचार व्यक्त करना मौका देलक ओरसे कालुराम दादु प्रति सर्वप्रथम आभार व्यक्त कर चाहटुँ । तमाम वीर शहीद हुकनके बलिदानसे आज हमार देशम प्रजातन्त्रके विहनीया उठलबा । एक ओर हम्न देखथो ठाउँ - ठाउँम जुलुस, सभा, भाषण, दोसर ओर अन्याय, अत्याचार शोषण, दमन, अराजकता का योह हो प्रजातन्त्र ? यीह प्रजातन्त्रके प्राप्तिके लाग तमाम वीर शहीद हुक आपन अमूल्य जीवन बलिदान कर्ल ? यीह प्रजातन्त्रके लाग तमाम वीर हुक जेल नेलके यातना

भोगल ? ऐसिन प्रजातन्त्रहन प्रजातन्त्र नै कैक अराजगता स्वैच्छा चारीताके संज्ञा देजाइथ ।

हमन वैसिन प्रजातन्त्रके आवश्यकता बा कि तमाम घरबार बिहिन जनता आपन शिर घुसरना झोपरी बनैना भूमि, रोजगार नै पाक पेटके आगीसे छटपटाईल, लुगा नै पाक पुष माघके ठण्डीम छटपटैना, शिक्षारूपी दीयाके प्रकास नै पाक अन्धकारम जहोर तहोर भहरैना, औषधि उपचार नै पाक रोगके कीरा हुकनके शिकार बनना, असुरक्षाके कारण पापीनके शिकार बन्ना जनतनके लाग गास, बास, कपास, शिक्षा, स्वास्थ्य और सुरक्षाके ग्यारीण्टी दिह सेक, ऐसिन प्रजातन्त्र जनता चाहलबा । ऐसिन प्रजातन्त्रके प्राप्तिके लाग जनता क्रान्ति कर्ल । तमाम वीर हुक जेल गैल नैल खैल । तमाम वीर शहीद हुक आपन अमूल्य जीवन गवैल । प्रजातन्त्र आईल केकरलाग ? जे भाषण कर सेकथ, जनतन दबाई सेकथ । वाकर लाग प्रजातन्त्र आईल । जे धनवान बा ओकर लाग आइल गरीबनके लाग प्रजातन्त्र कहलक का हो, कौन चीजके नाम हो थाहा नै हो । करतल ध्वनिके साथ ताली बजथ बीच बीचम ।

सौनी आग बोलथ- "आज सहान प्रजातान्त्रिक मुजु-कके रूपम भारतहन नसूनाके रूपम लेथ, जौन देशम एक ओर तमाम गास, बास, कपास, स्वास्थ्य, शिक्षा और सुरक्षा के अभ वम छटपटाइल बाट । लाखौं घरबार बिहिन जनता प्लेटफार्म पुल और खुवाके शरणम रात बितैथ । नङ्गत भुखके आगी बुताईकते सडक और मन्दिरके आस पास बाबूजी दो पैसा कहती भिक्षाके लाग दुःखी हात पसरथ । तमाम निरक्षर जनता शिक्षाके प्रकाशसे बञ्चित होक जहोर तहोर

भहरैथ । तमाम जनता औषधि उपचार नै पाक अकालम आपन ज्यान गुमैथ । तमाम चेलीबेटी हुक बेरोजगारीके कारण आपन इज्जत बेचक बेश्यालयके शरणम पर्थ कलसे दोसर ओर डालमियां टा टा बिरला जैसिन पूंजिपती उद्योगपतिफे भारतम बाट । वैसिन प्रजातन्त्र हमन आवश्यक नै हो ।

वैसिन प्रजातन्त्र मानव समाजम अशान्ति अराजकता सिवाय कुछ नै लान सेकथ । अपन हुक बहुत गौरसे दुनिया के गतिविधि हेरोत । दुनियाम आज का हुइती बा । एक ओर तमाम जनता गास, बास, कपासके लाग छटपटाईल बाट कल से दोसर ओर सम्पत्तीके फैलाव और सुरक्षाके लाग छटपटाईल बाट । एक ओर भुख लागल कहके नै मिलत कलसे दोसर ओर आणविक अस्त्र शस्त्रके होडवाजी चललबा । यी सब का हो ? पूंजीवादी समाजके देन ! करतल ध्वनिके साथ ताली बजथ बीच बीचम ।

सौनी आग बोलथ- "समाजम आज का हुइती बा ? ठाउँ ठाउँम पार्टी पार्टीके बीचम लडाई, झगडा, गुण्डा गर्दि, डकैती, यहातक कि इकहल दुकहल नेङ्गना, घुम्नाके डर हो गैलबा । तमाम दरुहा, जुवारी गुण्डनके रजाई बातिन । अछकेल नै हो कि तमाम सोझा चेलीबेटी हुक भारत बेश्यालयम बेच्वा पैतीबाट । यी सब काहो पूंजीपति समाजके देन । पूंजीवादके देन । बहुत जोरसे ताली बजथ ।

सौनी आग बोलथ- "हम्र सही प्रजातन्त्र प्राप्तिके लाग आपन हक अधिकारके लाग संघर्ष कर्ना जरुरी बा । जबतक हमार देशम सही प्रजातन्त्रके प्रादुर्भाव नै हुह तब सम वीर शहीद हुकनके सपना साकार हुईलक नै ठहरी । वीर शहीद हुकनके रगत हमन सरापी । आग कहथ-

प्यारा जनसमुदाय मैं एकथो गीत सुनैना अनुमति चाहटुं ।
अनुमति सूचक ताली बहुत जोरसे बजथ । सौनी बहुत आकर्षित
स्वरम गीत सुनाईथ । गीतके बोल ऐसिन रह... ..

उठो मोर गरीब किसान, अत्याचार सहक नैबैठी ।

दिन रात काम कैक खाए नही पैना
सदभर एकजोर लुगम पिउंदा लगाइ पर्ना
खैना नैहो पिना नैहो लुगा फाटा
शिक्षा नैहो दीक्षा नैहो नैहो सुखशान्ति ।
उठो मोर

दिनभर काम कैक सामन्तिनह पत्ना
तिहुंमफे हुकहिनसे गोरू कव्हा पैना
ऐसिन अन्याय अत्याचार हन्न कसिक सहना
उठी जागी हन्न आबत लागी एक साथम ।
उठो मोर

अत्याचारीहुक हमार खुन पियक्ते
देखती बाटी च्वाला फेर्थ वेला मौकाम
हन्न हुबेन्क फटाहीके करी भण्डाफोर
कहाँसम सहनाहो उठी मचाई स्वर ।
उठो मोर

सिधा साधन फसाइक्ते कत्रा जाल बन्ल
कौनों खोल्ल रा प्र. पा. कौनो कांग्रेस बन्ल
यी जालम पबित हन्न पैना दुःख पंबी
एक होक चिथी जाल नैत हन्न गैली ।

उठो मोर गरीब किसान, अत्याचार सहक नैबैठी ।

बहुत करतल ध्वनिके साथ ताली बजथ । सौनी आग बोलथ-
“अन्तम मैं अपन हुकन आपन अभिवादन देती विदा
चाहटुं । लाल सलाम ! करतल ध्वनिके साथ ताली बजथ ।
नारासे बातावरण गुञ्जायमान हुईथ । नारा ऐसिन रह -

एकजान - सच्चा प्रजातन्त्र । जनसमूह - अवश्य लन्बी !

एकजान - कालाबजारी, भ्रष्टाचार । जनसमूह - नियन्त्रण कर !

एकजान - गास, बास, कपासके । जनसमूह - ग्यारिण्टी कर !

एकजान - वीर सौनी । जनसमूह - जिन्दावाद ! आदि नारा

से आस पासके बातावरण गुञ्जायमान हुईथ । नाराके आवाज
सुनक जहोर तहोरसे जनता खचाखच भरती रथ ।

यह बातावरण कालुरामहन असह्य बना देथस । उ
रीससे चुरहोक दाँत पिस्ती आपन सहयोगिनके साथ आपन
घर ओर प्रस्थान करथ । उ आपन बहुत भारी पराजय
सोचथ । आब कालुराम सौनी बाँचल रहतसम आपन अस-
फलताके निश्चित देखलागथ । आब सौनीह खतम कर्ना षडयन्त्र
रचना ओर ध्यान देहथ । उ आपन भूमिगत टोलीके गुण्डन
बलाक निर्देशन दिहथ- “बहुत सावधानसे सुनो भैयाँ ! सौनी
हमार बहुत भारी दुश्मण रूपम देखा परलबा । सौनी बाँचत
सम हमार भण्डाफोर कर नै छोरी । जब उ भाषण देहतत सारा
जनता ओहीसे प्रभावित होजैथ । उ बाँचतसम मैं चुनावम
नै जित सेकम वह ओरसे तुह रातम जाक सौनीक घाँटीह
डौरीले कसक मारदारो । और ओकर द्वारीम दङ्गादेव ।
सरजिमीनम सौनी आत्महत्या करल कैक हन्न सजाना
बयान कर परी ।

कालुरामके निर्देशानुसार कालिया, रणजीत और
विहारी हाथ हथियारसे सुसज्जित होक रातके एक बजे सौनीक

घर ओर प्रस्थान कर्त्त । दिन भरके थकाईके कारण सौनी और ओकर भैया असारू निद्रा देवीके बहुत दंदुर व्त्वारम आराम करथ । कालिया, रणजीत और विहारी बहुत सुस्त सौनीक कोठामें प्रवेश कर्त्त । सौनी और असारू बहुत मीठ निद्राम रह । यह मौकाम कालिया सौनीक मुहम बहुत जोरसे लुगाके बूजा लगादेहथ । रणजीत घाँटीम शास लिह नै सेवना कैंक पकरथ विहारी हलचल करनै देक दब्बातथ । सौनी बहुत जोरसे झरफराइथ । ओकर ग्वारा असारूक पेटम पर्थिस । असारू बहुत जोरसे चिलाईथ । दिया बारक हेरथ तब देखथ तीन जान नरपीचास कालिया, रणजीत और विहारी आपन दिदीह दबोत्ल । उ छुडेना बहुत प्रयास करल लेकिन तीन तीन जान नरपीचाशनके बीचम एक जान लडकक कुछ नै लग्थिस । विचारी सौनी कबुनै घुम्ना कैंक यमराजके पहुनी बनगेल । विचारा असारू तीन जान नरपीचाशनके सामने आंस बहैना सिवाय कुछ कर नै सेकथ ।

कालिया रणजीत और विहारी धम्कीके साथ असारू हन कहथ "कान खोलक सुनरै ! तोर दिदी आत्महत्या करल कैंक कहस । यदि हमार पोल कौनो हालतम खुलीत तोरफे यह हालत हुई विचारी सौनीक लास एकथो डौरीम बाँधक तीन जान नरपीचाश हुक द्वारीम टंगाक कालुरामके घर ओर प्रस्थान करल । कालुराम आपन गुण्डनके प्रतीक्षाम रह । गुण्डन ओकर घरम प्रवेश करी साइत बहुत उत्सुकताके साथ पुछथ "काम ठीक कैलोरै ? काम सफल हुइलक ओरसे तीनो गुण्डा एक सोरमें कथ जी हाँ । कालुराम स्वावासी देती तीनो गुण्डानके पीठ ठठाइथ और कहथ - वा ! वहादुर वा ! और कहथ - खाओ पिओ, खुब खाओ और मोज करो

भैयौ । आग कहथ- "का सरजिमीन जरूर हुई । हम्र सबजान जाक सौनी आत्महत्या करल कैल बयान करक परी ।

बिचारा असारू एक त दाई बाबक प्यारसे बञ्चित रह । याकरलाग दाई बाबा दादु भैया, दिदी बहिनी कना उह सौनी रलहिस एक मात्र ओकरलाग । पथरके आत्मा हुईलक कालुरामके नरपीचाश गुण्डनके शिकार बनगेल सौनी । आव बिचारा असारूक यह पापी दुनियाम कुई फे नै रह गेलस । एक घची त असारू बहुत जोरसे रुईथ लेकिन वाँकर पुकार सुन्देहुईया कुईनही रलहिस । यह दुःखसे भरल असारू रह । एका एक असारूके रुवाई बन्द होजैथिस । उ सम्झथ सौनीक उह शब्द 'भैया मैं बँचम त त्वारलाग, तोहीहन समाज के कर्णधार बनाक छोरम ।" असारू मन मन बरबराईथ आपन दिदीक सपना जरूर पूरा करम ।

असारू सरासर मोहनके घर ओर प्रस्थान करथ । भरखर मुर्गा विहानके सन्देश लेक बोलल रह । मोहनके घरम पुनासाथ यथार्थ हत्याकाण्डके विवरण सुनाईथ । बहुत दर्दनाक घटना सुनक दु ख सुख भोगक खपीस हुईलक मोहनके आँख से आश्रुधारा रुक नै सेकलस । बोलना कोसिस कर्लसेफे शब्द घाँटीसे बहर निकर नै सेकथिस । बल्ल बल्ल आत्म संयम कैंक असारूक कहथ- "भैया असारू यी दुनियाम पापीनके रजाई बाटिन । गरीबनके आवाज सुन्दे हुइया कुई नैहो । लेकिन भैया हम्र वीर शहीद सौनीक सपना जरूर पूरा करक परथ । आव हम्र रोक कुछ काम नैहो । तुहन्त जाक डि. एस. पी. कार्यालयम घटनाके विवरण साथ निवेदन दिहक परल ।

मोहन और असारू डि. एस. पी. कार्यालयम जाक घटनाके विवरण साथ निवेदन देथ । डि. एस. पी. के

आदेशानुसार अ. स. ई. मोहन जोशी सरजिमीन कर आईथ । बहुतेसे जनता बयान देहकलाग उपस्थित रथ । अ. स. ई. कालुरामसे बयान लेहथ- "हजुर (कालुराम) यस एरियाको सर्वमान्य ब्यक्तिको हौसियतले यो घटना कसरी घटेको हो लेखाई दिनुहुन अनुरोध गर्दछु ।" कालुराल बयान करथ- "सौनीको परिवारमा उ र उसको भैया असारू सिबाय अरू कोही थिएनन् । उनीहरूका आमा बाबु उनीहरू सानै छँदा वितीसकेका छन् । त्यो परिवार ज्यादै गरीब परिवार हो । सौनी युवती भै सकेकी थिई । उसको चरित्र पनि संकास्पद भएको हुनाले कसैसंग पनि उसको विवाह हुन सम्भव थिएन । त्यसै कारणले उ आत्महत्या गरेकी ।" यह प्रकारले कालिया, रणजीत और बिहारीफे आपन आपन बयान लिखैथ । सरजिमीन एकलौटी हुईथ । मोहन और असारू बयान देना बहुत प्रयास कर्ल लेकिन कालुरामके दवावसे बयान देह नैपैल । बयान देना कैक बहुतेसे जनताके उपस्थिति रह लेकिन कुइ फेँ देह नै पैल । सरजमीन अनुसार सौनी आत्महत्या करलक ठहरल ।

उपस्थित जनसमूह उत्तेजित हुईत देखक अ. स. ई. मोहन जोशी तुरन्त डि. एस. पी. कार्यालय ओर प्रस्थान करथ । कालुराम फे आपन सहयोगिनके साथ आपन घर ओर प्रस्थान करथ । असारू सौनीक पार्थिव शरीरम कपडा ओढादेहथ । हजारौ जनता सौनीह श्रद्धाञ्जली अरपण कर जमा हुईथ । सौनीख पार्थिव शरीर फूला और अबिरसे छोप जै थिस । हजारौ नरनारी सब यात्रामा भाग लेथ । नारा बहुत जोरसे लागथ । नारा ऐसिन रह -

एकजान - हत्यारहन । जनसमूह - मस्थी- मस्थी !

एकजान - गुण्डागर्दी, हत्या । जनसमूह - नियन्त्रण कर !

एकजान - हत्यारनह । जनसमूह - फासीदे !

एकजान - वीर सौनी । जनसमूह - जिन्दावाद !

एकजान अमर शहीद । जनसमूह - अमर रहही !

सारा नरनारीनके आँखसे आँसुके धारा बहल रथिन । सब जान यीह सोचथ कि कालुराम जैसिन नरपीचाशनके बिया रहत सम यी दुनियाम सिधा - साधा गरीबनके भलाई नै हुई ।

बातावरण बहुत कहणादायक देखापरथ । आत्मा बहुत सह्यालक आँस पोछती असारू उठबथ और गरिया (चिहान) कोर्ना शुरु करथ । ओकर पाछ दोसर मनै कोर्क काम पूरा कर्थ । आब सौनीक पार्थिव शरीर गरियाम धकलक अन्तिम श्रद्धाञ्जली स्वरूप प्रत्येक सब यात्रीहुक माटी देथ । डफनैना काम पूरा हुईथ ।

असारू जुहवक उठक सौनीक गरियक माटीक धुरके टीका लगाईथ और कहथ- दिदी मै आज तोहार गरीयक माटीक धुरके टीका लगाक यीह प्रतीज्ञा करटुँ कि तोहार सपना पूरा नै करत सम मै नै मुअम । आज तुहार यीह भैया असारू अक्कहल नैहो । तुहार लाखौं दादु भैया दिदी बहिन्या हुक जन्म लेसेकल बाट । तुहार सपना साकार नै करत सम और यी दुनियाम नरपीचाशनके बिया रहत सम संघर्ष कर्ना प्रतीज्ञा कर्ती तौहार गरीयक माटीक धुरीक टीका लगैल ।

जब सम हमार देशम पूरा मानव अधिकार नै आई जनताके गास, बास, कपास, स्वास्थ्य, शिक्षा और सुरक्षा के ग्यारिण्टी देह सेवना प्रजातन्त्रके स्थापना नै हुई तब सम दिदी तोहार सपना साकार नै हुई । तोहार सपना पूरा

कर्ना और हत्यारा कालुराम और ओकर गुण्डन कालिया,
रणजीत और बिहारीह जन अदालत समक्ष प्रस्तुत कर्ना
प्रतीज्ञा करटु दिदी । प्रतीज्ञा ! प्रतीज्ञा !! प्रतीज्ञा !!!

फेर नारा लागथ -

वीर सौनी - जिन्दावाद !

वीर शहीद - अमर रहही !

कथाकार :— टेक बहादुर चौधरी
सौंडियार गा. वि स.
सिसहनिया



छिटो, छरितो, सुद्ध, आकर्षक छपाई सम्बन्धि सम्पूर्ण
कामको लागि सम्झनुहोस् स्वर्गद्वारी प्रेस दाङ घोराही
त्रि. न. न. पा. ११
फोन न. ६००८२

जागो रै किसनबा

मङ्गल चौधरी

अम्राई दाङ

हरक फह्री घोटक प्रति जमीन फुटेलो ।
खडेरी - सरी सहकफे फसल लगेलो ॥
मल जल डारक डिहोहन मलगर बनैलो ।
तफेन किसान ! आपन कमाही कहा पैलो ॥ १
घाम - पानीम मेहनत कैंक धनवाली फरैलो ।
काटक झमरी फाँक डिहुवाह समथर बनैलो ॥
कुल्वा - मुरा कर^२ - लदीयाह थुन्लो ।
तफेन किसान प्याटभर खैना कहा पैलो ॥ २
चाहे जाँर चाहे गर्मी, चाहे असारके झरीम ।
हाँत - ग्वारा स-यागल बषकि हिलम ॥
बाघ - भालसे लक किसान यी ठाऊह बैठेलो ।
तफेन किसान ! एक छिउटी जग्गा तुह कहा पैलो ॥ ३
फाँटल टोपी देखथो चुट्टी फाँटल लुगाबा ।
अभाव नाना उदास खाना, छातीम धुजाबा ॥
दुःख ओ दर्द सहकन किसान यी समाज बनैलो ।
तफेन किसान ! बैठना झोप्री तुह कहा पैलो ॥ ४
धानक ग्वारा उठैथा छावा लैजैठा औरज ।
ब्याजक स्याज जिम्दारवह देक हुईथु मे दिवदार ॥
स्कूल - कलेज, पाटी व धारा तुहहे बनैलो ।
तफेन किसान ! पढ़ना - लिखना तुह कहा पैलो ॥ ५
जे जे त जोत्था उह - उह खैथा, बचन बुझकन ।
उठो रै उठो ! जागो रै किसान एक जुट होकन ॥
तोरे देहबी सामन्ती नीति व सरल संस्कार ।
संघर्ष कलसे भग्ने बा क-या अँधार ससार ॥ ६

आब आ गैल^२

महेश चौधरी

बैबाइ दाइ

आब आ गैल^२, संघर्षशील दुनिया ।

दिदि - बाबु काकर बण्टो, घर भित्तरके रनिया ॥१॥

और देशके जन्नी मनै, थारुनके संग
वकिल, डाक्टर बनल देखक, हम्म पति दग।

दंग परक नै बन्ने हो; बदल दारी दुनिया ॥

दिदि - बाबु काकर बण्टो, घर भित्तरके रनिया ॥२॥

लौरा भर स्कूल जैना, जन्नी कर्ना भन्सा ।

दाई बाबक सम्पत्तिम, नै हो तुन्हक अंशा ॥

भन्सा कैंक नै बन्ने हो, स्कूल जाए चहता ।

दिदि - बाबु काकर बण्टो, घर भित्तरके रनिया ॥३॥

शिप बुट्टा कुदथो तुह, डेलवा ढक्यामन ।

कैदिसक बाचल रहथो, थरुवक घरमन ॥

कैदिसक नै बन्ना हो, ह्यार परल दुनिया ।

दिदि - बाबु काकर बण्टो, घर भित्तरके रनिया ॥४॥

जन्नी थारुके भावना मेटक, एक्क व्हाए परता ।

हाथम - हाथ मिलाकन, संग न्याङ्ग कहता ॥

शोषित - पीडित महिलनके, महिला मुक्ती चहता ।

हस्या - ठोक्याक झण्डक तर, एक जुट व्हाए परता ॥

दिदि - बाबु काकर बण्टो, घर भित्तरके रनिया ॥५॥

सासन्तीके बान्धल, बन्धन्ह मील्क टुर परता ।

हाथम हाथ मिलाकन, आंग बड़ परता ॥

मील्क टुर परता^२, महिला मुक्ती चहता ।

आब आ गैल^२ संघर्षशील दुनिया ।

दिदि - बाबु काकर बण्टो, घर भित्तरके रनिया ॥६॥